

公五言詩板律
稍洋點中法作
尤多奇警在去
於中宗為擅地

序

海內有七子廣陵則子

相廣陵有七先生昭陽

六子相甚矣人子之際弗

其之也。搭殿往古永言

國家圖書館 NATIONAL CENTRAL LIBRARY, TAIWAN, R.O.C.



多慨衰法盛衰顯晦之
跡。詎非盛名難副而問世
甚鍾也哉。况乎七先生皆
繇位望兼梅而士子中以
布衣雄者。唯茂秦一人。嗚

乎。棲山採石之夫。區區
潭。臯振籟。區。志。卒。至。人
門。不。動。零。落。之。盡。率。與
牧歌漁唱。斷響於荒烟
蘊淡間。亦有騷人殞涕。遷

容懷鄉如陸機赴雒少卿
思漢寄情無所其名思平
與猿吟猿嘯徒擲之悲風
楚雨淒淒而不已何言其
者良足悲矣雖然使窮

者不達於心悔者不流其
夢是崇賢無矯翼之期
而志士有沒齒之歎矣寧
知其沈吟梁甫抗塵物外
雖玉象交書岸公走幣而

不肖稍一委蛇曲折以致身
金馬之冠高議雲臺之上
斯其人是宜俛首求衣
歛眉寄辰者乘以予觀于
徐民上之賢跌宕文苑枕藉

每騷好妙賞音獨絕於世
正令荆金揚采於四裔明
珠馳光于七貴匪之駟馬
成檄之才層有留使催書
之款脫遇荆卿黃金之燭

便懷豫讓國士之心而此
不常師遇恒他陞絳籍
翠恥不得濟雲雨務而上
言霄其六懽能而失穴必
矣乃其壯道之福天如信

誠益知名士跡其鉛槧所
就度必與子相共競傑靈
為意南州高蹈濯足滄浪
乘英蕞蹇勞杜泣舟祀殘
符月懷人必留時跳號於百

冠洲上也。使在士子時，以第一
命，眇人獨步中原。其於是
乎？知國家待名之盛，廣陵
不獨士先生而昭陽不獨
子相知。

萬曆己未仲春

友弟王納諫聖俞南書

於興齋精舍



同里後學許植榛書



素翰堂序

觀夫天地塊垠之氣。渾渾爾灝
灝。爾吹萬得之。而籟傳者。氣爲
之。素籥也。文辭無氣以運行。有
若寒蟬土蚓。一噤輒離矣。三百
篇後。漢魏選言。齊梁靡調。不具

論唐自貞觀迄天祐初盛中晚
凡四易其始終正變之故。謂非
與氣盛衰者乎。迨蘇黃踵元白
之遺。關貫雜金元之調。故後人
謂詩至唐而止。有明不以聲律
取士。而風尚獨不遠於唐。大約

源流與氣運亦復正變相承。洪
永間。金華吉水肇開厥運。稍離
舊習。猶永徽之有虞魏也。得季
迪庭實諸子。後先標舉而加潤。
其亦麟德之王楊盧駱乎。此則
初明之始製也。何李崛起弘正。

吃爾大家亦神龍後之巨山老
宿。燕許大手筆也。得禎卿皇甫
諸子。屹揚休美而益振。其又開
元天寶間供奉拾遺高岑常寶
之流亞乎。斯則盛明之有補也。
至嘉隆而氣益厚。邇亦漸趨於

繁。七子競驟乎中原。伯玉獨步
於司馬。豈直秦公緒之山林。李
從一之臺閣。旣而三甫爭鳴。文
長中郎。項背相望。尚可與錢劉
方軌。戎顧並驅。此亦中明之再
盛也。若夫神光之末。則繼極復

歸於簡鍾譚矯。漚下之敞。慨然以陶常爲宗。不知運屬開成。難規風格。郊島之寒瘦。賀全之鬼恠。飛卿之綺靡。義山之隱僻。能復。黽勉前集。邁往時流。已哉。此晚明變態之極。而流風未墜。作

者代興。詎非先王詩教。人人之深歎。吾友徐十夫先君。號民上先生者。天才駿發。三都勿俟。十年子虛無煩。百印一揮而正。平之鸚鵡初成。七步而思王之。賁豆已就。遑遑穿天心。出月脇。意

外驚人語多非尋常所及。維揚風擅風雅而楚易名賢詩刻稱最著。自少保侍郎而下陸氏代有機雲子相乘風巨浪。至先文定與先叅軍又華粿相輝咸重先生。本今益深累世之誼云。

與十夫哀其遺稿授之剞劂垂不朽也。夫吾黨力挽頽趣俾道風不至淪佚斷不令幽人逸帙散缺不傳。今讀其書因論其世。斯大雅之音與元氣相爲流準而弗竭爾。匪直誇唐軼宋其亦

頓返古道哉。是余之志也夫。

淮南李長順天助父記於

樗里之延岳堂



素翰堂自敘

孺子甫五齡。卽知屬儷語。老父設艱戲之。孺子應如響。比事精切。七齡開口而咏。不啻一囊矣。十齡方習舉子業。一切非舉子書。老父格不得觀。以故專力於時文家。漁獵先正。試輒得雋。今大家宰延。洋李公爲邑令。目之謂孺子父。曰。孺子可教也。先是徐氏自虞部以迨京兆公。世積丘墳。孺子長而受經。獲窺左庑。詞壇文圃。伊吾蠹蝕其中。於今古

悉肆力焉。由是勦管爲文。大半西京人語。又時時
口占。以示曹俎。人復以此事相推。意自得甚。居無
何。孺子復就試。李公遂日攝孺子。曰。惟哉。爾藝大
不似昨矣。吾聞爾好爲詩。詩能窮人。七篇盛事。安
用五言。亟舍爾悲。更張之。倘然得時。則駕側弁而
峨。未晚矣。其改諸當時。孺子面奉訓。心咻之。隆萬
間。諸生經義具在。唯遇時爲汲汲。屢孟紫陽。唾承
洛下。譬之嚼蠟剪彩。於古何當耶。凌假左腹。漢雋。

集不知如何
以淨改且不
自待師亦何惟其屢試而敗績也於時孺子既
大嚴君復衰門祚盡棄其業而縱酒談詩不巳顧
酒政使人迷詩不能窮人能使人狂孺子溺於二
者間又好與屠狗博徒遊放浪形骸之外里中兒
盡笑其所爲孺子弗顧也太師李文定公則厚遇
之曰相如落魄太白清狂子類是夫遂作明德良
驥二篇諷曉孺子欲其朝夕改過孺子乃感奮下

集不知如何
以淨改且不
自待師亦何惟其屢試而敗績也於時孺子既
大嚴君復衰門祚盡棄其業而縱酒談詩不巳顧

惟遂更其字曰收之以字行收合餘燼背城一戰
與直指房公較藝淮南首拔孺子孺子始爲儒
者冠然意不自得也文章憎命造化戲子未幾恍
巧與我黨鋼事起旋得而旋次孺子其天放人也
歎哉子愧二李公多矣孺子復縱酒談詩如故故
所近幸屠博仍來就之遂自更其字曰無收湘縈
之言曰不撫壯而棄穢兮何不收乎此度孺子之
始字以之東方之言曰王不察其長利兮卒見棄

乎原野伏念思過兮無可改者孺子之繼字以之
一日客謂孺子曰子幸返爾初服其借子素業觀
之孺子詩若文驟而作驟而棄副墨不能多藏所
存不過什一大都用以紀歲月志交遊存歷覽自
適其天籟耳孰爲先秦孰爲兩漢孰爲建安孰爲
開元孺子不知也遂部署其兩端名之曰無收集
容其爲我定之嗟乎寂兮寥兮獨立而不改則是
集也不亦駢支乎哉

廣陵徐來復收之撰



徐氏上先生集目錄

卷之一

五言古詩

諭俗

黃草篇

平播行 萬曆庚子

綠蘿

李文山先生

書郎李文山因寄吳陵劉念陽先生

詠史

山中蝶

拱辰 韓信祠

登澧州懷唐教書郎

澧陽望仙洲懷唐較

國家圖書館, NATIONAL CENTRAL LIBRARY, TAIWAN, R.O.C.

孤憤篇贈周靜菴

黔中別學憲弟北歸

送體敬張師

述懷

梁山

癸巳春正月十六日

過月僧精舍與朱山人綸吳太學尚琦諸君

雅集

初夏避喧來鶴寺承

興客石丈餉問

送人游江南

嘗武訪甘文學不遇

江淮三友圖

贈琅玕王生

贈睢陽宋生

贈西吳孫生

夏夜西園

淮關與蒼水弟夜談

七言古詩

太華峰哥送關中武明府詔徵吏部

雪中友人招飲歌

廣陵遇陸丈哥

松鶴哥為鍾淮海題簡詔墨妙

秋日沙溪送趙又玄還縣

為陸孝廉母壽

賦得八月廣陵濤贈

吉軒宗丈

春日憶東庄一娘子

殯宮

白沙坂懷廣陵唐懷

玉

伏龍謠

怡怡堂謠爲史宗師作

題西星畫菜謠

壯士吟

節孝詞爲王無文母夫人賦

觸時有感爲王使君作

觀泉圖咏

贈薛廣文

贈王生

題戴文進風雪歸村

圖

古碑

吳府君力復五塘賦此壯之

秋日望黔陽東樓謠

水西行

新店驛

采石弔李謫仙歌

八寶贈桑孝廉維藩下第

贈陳知梅

講藝篇爲吳府君賦

九日同諸弟東庄飲

廣陵卞宅席上賦得

節報上元歌

扇歌答徐性之

菊花爲秋風所針

秋夕湖上草堂

乘馬行

卷之二

五言律

莫愁湖

清涼門舟中

晚泊江寧鎮

上江行

李坪舟中五日

洞庭湖

楚山

夜行

飛雲巖

至便水

發辰陽

山塘南道中

京師得家信

華容懷古

石鍾山

登石鍾山

淨海寺

再至石鍾

泊桐廬

九江晚泊

早春廣陵城西汎月

光孝寺除夜

鳩茲吉祥寺

光孝寺對雪

春田漫興二首

張網溝逢霧

寄金山空滿

春日廣陵送鏡上人

歸峨眉舊隱

北歸過看何茂倩

冬日送芮貢士玄洲之京謁銓

冬日吳陵贈孫孫衍 別孫衍

寒夜邵伯埭與豐復初宿寶公寺

道上狀 咏雪

美人早起 輓湖上孫武庫

別業歎 新樂王始生世子寄

賀一首 興教寺苦雨簡隣舍

衲友 延令贈張師德余埭

將之楚 慶雲寺與陳太學月

夜簡友人 秋日寓海陵三老觀

慶雲寺初雪簡戴文公

龜城贈淇上人 雨中謝埭簡張印亭

酬王文學備予假館 冬夜同李純卿邢開

賞雪 興教寺秋日送太學

博士趙少華之煎上 春日廣陵俞少府諸

老集天寧寺知予寓西林移具過訪

赤壁觀音庵 過秦州茅山

白沙湖 立秋

新秋 農人刈稻要予至庄

秋日村居四首

省野

弟侄俱董穉事

村居苦雨二首

春雨留別劉孝廉蘄伯

冬夜宿揚州天寧寺懷城中二三知己

送四弟之京候調

薛雲卿見顧

送李公子之京

雨中隸上欲過張八

丈不果題館壁去

送孫文學還彭城

冬夜丁溪進舟

擬艇

送湛公還焦山

安豐文簡

春日送李維凝之閩

冬日寄懷余幼愧

清明前一日同梁邗槎沈群玉飲曾志點宅

上

金陵別弟二首

再別余幼愧

袁將軍失朝謁者劾

之下吏卒從末議詩以嘲之

宗翁九十

書陸純翁扇頭

己未仲冬送昆明丈司李括群

過田家

卷之三

七言律

燕臺春興

贈徐舍人

香山流憩亭

南還舟泊潯縣

金臺懷古

潞河舟不進

廣陵秋日借李別駕休徵遊上方寺

夏日阻舟清源出郭遊清涼寺逢三老於嘉

樹堂賦此題壁

清源水澗阻舟二十

日澍雨忽來遂得行

嚴子陵釣臺

婺州道中

蘭谿縣別叔父北歸

舟中感賦

謝埭河決阻水法華

寺

江東門夜泊書懷

將之齊安荻港阻風

西陂泛舟采蓮花爲

樂

送同舟刁子游赴潯

江鹽長官

潯陽江村寒食

赤壁感懷

秋日登雨花臺

金陵觀音門登舟回望鍾山作

吳陵客舍冬日遣興

詠燈下桃瓶

村居秋夕

祈趙淑曾梅花插瓶

冬夜寶公禪房書壁 秋夜天寧寺聞歌示

同舍生 夏日陪李師相飯頭

陀嚴希言于崇德書院

冬日鳳山作 夏日自嘲

拜太師李文定公墓 廣陵九日懷李純卿

登互父山 與李純卿金山寺宴

集 安宜遇吳長孺同諸

君觀音閣避暑 夏日飲陳文學池亭

絳桃 仲春感興

登嘗明菴樓 登太白樓懷李純卿

許文學錦帶花 如阜蘇方伯祠堂

秋日瓜洲言懷 秋村值雨

木塔寺與大耳比丘坐梅樹下

全雉臯冒伯磨宿興教寺送之東萊

訪吳陵張駕部時值獵回

留別邗上友人 騎海陵凌海翁中丞

訪陳南寧右河公 贈陸掌故

范參軍席上贈豫章萬養恬

吳陵過自足園題贈陳邕州

將遠遊承凌中丞見招復留住臘奉和

送朱山人綸謁人不遇復之崇川

廣陵寓關外簡卞文學東旭

贈湖上范二翁

月夜行吟簡朱山人

送太宰楊公致仕侍其母太夫人還山東

寄懷淮陰蔡安里

春日楚黃逢李參軍

玄朗之貴州憲幕

叔父仕楚宴李玄朗

于赤壁席上作

東廳撥悶呈叔父

金陵遇劉孝廉弼伯

渡延令江過洲上訪

友

薄暮同李純卿泛城

北海子

吳陵早春日陳樓話

別次莆田余邦彥韻

吳陵留別郭山汪正

之

秦郵贈陸丈長庚

旅舍哭三弟

冬日過吳陵劉別駕

念陽草堂

豫章蔡公遷南吏部

召入北京爲大冢宰時人爲歐陽卜彈冠之
慶賦此奉贈

途值宗傅若先生賦

贈

送翁明府之南北部

七夕

仲夏蒼水弟攜具過

我

初秋東溲泛舟

立秋日沙溝羽人樓上作

飛令送周明野之廣陵別業

今日訪覺禪師

秋日吳陵登望海樓

兼眺凌氏別業

秋日宿秦潼陳西人

山房

寄懷尚寶李老伯登

泰山

洲上

苦雨

秋夜和南屏上人思

歸健爲

卷之四

七言律

立秋夕泊舟石頭

至日同彭山人飲揚

州法海寺

贈崇仁吳孝廉湘華

枉顧寺舍

秋日寄懷留都張比

部

寄懷周參戎景雲

鴻所劉兄招飲

贈妓馬玉

寄贈潁州謝長史 楊明府奏最馳封

秋日村居寄懷余幼愧

辛亥九日東庄與二侄飲酒述懷

和潘文學登金山讀鄙碣寄懷

冬夜史述經携具寶公寺

孟春吳陵觀音菴留汪薛二子

元日大雪簡李客星時將之建業

贈別玉垣李父母 送湯羲侶師之任南

康 客有還金瘞幣者二

詩以美之

贈僧徒亭亭

春日寄袁非馬讀書虎丘寺

喜李組修自越中歸賦寄

贈繼冲何子 本賀岳父思翁八十

贈張爾符 清明日簡爾符

春日燕都送太學潘崑往南回

送沙克吾葉官歸彭城

清明呈李純卿昆季 萬曆前一日與徐性

之諸友訂叢桂社 寄邑侯母夫人

贈別體敬師

送周明野之京謁選

用韻和馬司隸海棠詩

贈天寧寺藏養賢上人

途中遇雪懷吳蔭源 送李客星之建業

得劉忠孕登第之作 寄懷劉忠孕登第後

還里省親時尊人領金壇博士

劉司農過訪光孝蘭若二首

文選樓與陸孝廉雨坐

仲夏鄭昆明招赴溪亭雅集

上巳登城臺臨河祓褻奉和體敬師

秋日延之侄携具過庄上

李組修回自焦山奉訊

冬夜王德仲携具過周兄別業

遲劉忠孕北還 携兒赴試江陰廻棹

口號 贈馮尉君

霰夕同王美浮初集梁玄升青來軒賦得秋

字 東臯贈張子

秋日寄懷上元陳明府

秋日承帶河先生枉顧

雪夜曾兄携伎招飲 貴州秋興八首

卷之五

五言絕句

汝陰南原十景和張夫子韻

濯纓處

振衣岡

桃源

槐徑

梧井

柳橋

嘯臺

醉亭

漁磯

牧壠

上元後夜

采蓮曲

銅陵遇雨

池陽

石首阻雨讀汪明府練溪集

白霧洞

早秋旅懷

海上送人

黃金臺

舟中

為友人賦得四清事

四首

村居書事

七言絕句

拱極臺感懷二首

廣陵秋望

元夕寓天王寺

秋夜金山妙高臺玩

月

湖上大雨舟中作

送從心之廬山

剪秋羅

題武林鄭姬如英寫折柳枝贈韓生

題畫菜

題畫蘿蔔

庚子春貴州出師征播鏡歌八首

鏡歌六首和王杲憲 讀大風歌

讀七子詩有感

桃源洞

蠻訶

暮春齊安浮翠亭

雪中贈六如美人

再寄六如

讀書園四時歌四首

春日郊遊書所見

題蘭陰閣贈葉明府涇人

花燭辭爲顧小侯作

贈空明

天寧寺贈筠居士

泛邵伯新河

春日秦郵阻雨

春日

極樂寺

真覺寺

大佛寺

金臺夕照

山行四首

鳳山

畫橋

辰江夜泊

過燕子磯二首

烈洲

馬當山

望小孤

鄂州

夏夜宿界亭驛

早秋艇子上作

呂公菴

宿天王寺

登大觀樓

幽州聞角

冬夜光孝寺

安基寺

春遊感興

廣陵雪夜飲伎宅

雪中蕃釐觀訪友

答僧求書

題海上人墨牡丹二

首

雨夜贈伎

贈錢孟醇

春日友人邀飲別墅

不赴

贈水月禪月二白足

二首

冬日光孝寺贈潘孝

廉朝選歸江西四首

贈伎李綺雲

太液晴波

自雉皋還海陵曾生

亦送至曾生西江人也嘉其義而惜其才作

二詩贈之

題鶴鴿圖

贈黃美人二首

贈馬美人文蘭四首

和李組修丁巳元夕有感三首

題畫贈蔡司馬

偶寓埭上蕭寺張星

芝怪予不過賦此簡謝二首

沅陵

送江都尹內召

過宗氏草堂賞芍藥二首

次年再過宗氏藥欄用前韻二首

玫瑰

還山夏日別廣陵李

海陽

龍里栢

五言排律

初秋夜坐感懷簡李太史碧海

初夏城南鄭家亭子飲酒

仲夏暴暑雨氣蒸熱齋居病足承李依聖敷

育二丈枉書問訊作此奉答

醉茗齋爲無文王兄賦

蘄州雨後登含暉閣 秋夜拙逸軒間比丘

尼蘭若磬聲

贈李開府

軒中初夏寫悶

庚子貴陽三月二十

日聞烏江消息

賦得永聲喧暗竹

壽李中翰姑丈

開上鶴年精舍

會通河舟中漫興二首

卷之六

賦

庭栢賦

吳貞女楚辭

頌

瑞芝頌有序

傳

憤世生松鶴長年傳

記

四友堂記

蔣氏墓田書院記

問鵝亭自記

序

南征草序

汪子頃詩序

卷之七

序

貴州武舉鄉試錄後序

肯蓄編目序

贈王明府父母致仕還淳

安序

賀陳侯考績序

贈思崗周先生五秩序

朱南山先生八秩序

誌銘

明故戶部右侍郎鷗溪楊先生墓誌銘

行狀

南京戶部湖廣清吏司郎中四弟蒼水君行

狀

卷之八

贊

石溪先生像贊

李彬齋先生小像

一元嚴孝子贊

余愧翁小像贊

孝廉潤海兄像贊

余邦彥詞兄小像贊

太官署正塘蘆翁像贊

書

東友人劉念江

報張夫子

復余親家

上王觀察以詩賜教

與劉忠孳登第

報陳上元父母州府與屏

再報上元父母

寄老母

附論策

將能而君不御者勝

王者不勤兵於遠

徐民上先生集目錄

徐民上先生集卷之

廣陵徐來復改之父著

後學李長順天助父較
男 獻科十夫父編

五言古

諭俗

虎豹慎防衛。鸞鳳無猜疑。魏武不洞達。往往逢奸欺。
宋祖闢重門。豁然見肝脾。打蜂蜂着人。避風風折枝。
水清乏巨魚。逆億安用之。寄語刻深者。慎勿布危機。

詠史

國家圖書館 NATIONAL CENTRAL LIBRARY, TAIWAN, R.O.C.

重耳居東國年已六十過優游臨淄上來日苦無多
人生貴適志遑暇顧其他五臣貪天功挾主私渡河
金注一公子各自施揣摩惜哉桑上姬幸免咎犯戈
倘用叔瞻詐奚足煩太阿子玉怒弗細幾難脫網羅
竭歷朝武宮劍佩聲相磨冕服亦何爲蕭蕭兩鬢皤
忍心殺懷圉逆理迎秦娥反國報恩仇猶致一蛇訶
僅得執牛耳快意寧幾何不如狎齊女飲酒樂婆娑
天王狩河陽青史毋媿媿

黃草篇

送

萋萋黃草葉生於寒水陂佳人振素手采紡爲織絺
我友昨投贈雙端美無斯緘之奉老親道遠無人持
製作兩暑服被體何相宜清風生肘腋勝彼葛與絲
寄語機中婦婦職當早爲此草不難致紛然披我池
及時采且緝我衣兼我私莫寄萬里夫願獻高堂慈
爾夫縱熱死感激入心脾

山中蝶

送

蛺蝶感秋氣點點蜚黃金依依惹茂草栩栩度芳林
倘是幽人夢楚山深更深我願化爲蝶相將尋迥岑

悠悠亭毒間。永無塵空侵。

平播行

萬曆庚子夏六月見普
安蔣使君杰作因效之

楊首犯天綱。蹂躪三千里。飛煉首滋蔓。興隆終突豕。
暴骸積丘陵。蹀血遍荆芭。綦城亦何辜。屠戮若螻螻。
劔斬兩將軍。奮髯還抵几。抗衡欲爲帝。車旗多僭儗。
蠢爾夜郎王。藐視聖天子。天子赫斯怒。疇敢聳邊鄙。
爰征天下師。八道齊克舉。檄致諸屬國。犍鬪遜羅鬼。
借問大將誰。桓桓郭與李。分麾六總戎。盡掛平蠻璽。
謀臣固指髮。猛士尤切齒。同心并同力。朝食先滅此。

一戰拔雄關。再戰破金壘。天道惡淫雪。寧有乞活理。
剛獸矜爪牙。奉首竄其死。鐵柱憑堅城。絕壁亘天倚。
一旦齊交絕。四面楚歌起。後度陰平崖。前軍都賴水。
陳劉冒矢石。拔幟上甲耳。激怒徐闡司。先登無與比。
元兇親督戰。進寸退復咫。羽翼皆剪滅。懸金人不視。
極憚中國威。火器乃長技。雷車并烏鏃。蜚檣隨焚燬。
剛風被弱草。所過蔑不靡。前途已倒戈。須臾漸臺地。
撲滅取鯨鯢。殄厥三公祀。三公播始封之君也屹嶮海龍山。立
見平如砥。笳鼓旋我師。響答烟巒裏。永息洪邊戍。歌

舞桃溪中皇哉萬斯年異烈光虞史

共會
論信詞

將軍萬人傑。崛起豐沛鄉。拔劍佐漢高。擁盾摩楚王。
百戰取封侯。寵任連椒房。事業滿中原。功名載旂常。
胡為有遺廟。依此野水傍。村童嬉伏臘。田鼓舞肴漿。
橫行勿奴中。氣槩何披猖。擲榆土。偶內京。獻亦凄凉。
我舟過其下。仰嘆英氣翔。當年經馬跡。千載對魚梁。

荆南道中
送

綠蘿山外山。白馬渡口渡。人生會有從。今古絲斯路。

日中全招弄
不無一語及
日標題之
者不詳其

側壘致顛哩。森然玄髮豎。豎踉蹌亂石。聞昧沫夜來雨。
嶽巖不自安。峻坂那可注。驅車下絕澗。衝波等飄羽。
何期來畏道。遠離兼恐怖。問我奚所聞。年華已遲暮。
我亦無所圖。肝膽感。顧從茲遂南邁。萬嶺始寸步。
木來付蒼蒼。木性元無住。

澧州懷唐較書郎李文山先生

出澧陽門。便上蘭江渡。回首望丹樓。高城散烟霧。
何許仙眠洲。蒼蒼遶雲樹。輟棹欲尋。猶驅迫不得住。
搖情一妃詞。空咏離騷賦。我馬已先片。我車得廣路。

悠然望南山。崎嶇在跬步。采彼澤中芳。於焉託衷素。
灑陽望仙洲。懷唐較書郎。李文山因寄吳陵劉

念陽先生送

夙昔負竒志。遠遊澹無垠。飄飄適荆南。鼓楫灑江濱。
不見灑之蘭。空望仙洲雲。仙洲渺一方。水木何網緼。
借問伊人居。云是李弘文。被薦不受官。長揖謝明君。
歸著黃陵詞。千載有餘芬。感此弗能去。眷言懷所欣。
所欣在吳陵。高節亮不群。卓哉劉夫子。清修世共聞。
耻爲滄海吏。投綬却塵氛。比玉較書郎。合璧疇與分。

事古不迨時。來者惜餘熱。俯仰發長慨。因風寄殷勤。

孟夏自廣陵還易山寄別李汝謙孝廉送

春游日已倦。良邁矢同調。爰廢桂樹篇。聊以佐歡笑。
倜儻靈中君。澹然歛光耀。譬彼浮雲開。海月生孤嶠。
列坐二三子。靡不仰末炤。時時吐微論。業已觀其妙。
惠我臯竹吟。風雅絕云尚。君翫曲江濤。予憶五湖釣。
回首城東路。別言難以料。歸來綠窻下。舊竹長新篠。
羈愁稍自安。離緒復相紹。夢寐西崗隈。彷彿恣登眺。
何時續昨游。握手舒長嘯。

孤憤篇贈周靜菴

白龍被魚服。短鬣据川滑。靈鷲鍛羽儀。匿影借一枝。
之子南中彥。藝林夙負奇。走筆戰千英。翩翩建鼓旗。
中遂蒙讒垢。俯首作楚繫。晦迹之一邦。乞糈從群兒。
達士豈衡命。雅意尚逶迤。相逢岐路間。驩然如故知。
貽我玄秘章。文采光陸離。予髮已種種。子志不磷淄。
但保金石軀。釋憾當有時。張祿一入秦。談笑脫旅羈。
送雲翁顧夫子偕計之京二首

在昔壬午秋。夫子占桂籍。我弟魚目珠。混入夜光璧。

方徵締世盟。何幸侍師席。阜比未及温。翻然舉修翮。
謁帝承明廬。獻賦明光闕。干將百鍊精。利刃剗犀革。
還丹九轉成。清風生肘腋。望望入帝鄉。瞻望徒弗及。

其二

朔風吹東南。萬壑欲溟渤。志士驚西北。矯首黃金闕。
朝渡洪河水。暮宿盧龍川。歲律一以變。京洛逢春寧。
天子開虎闥。英俊驟雲合。吾師振高第。披對取衣鉢。
顧盼入詞林。垂光焰薇蕨。

黔中別學憲弟北歸

長風吹羽羽飛墮夜郎天南冠經兩秋蠻府空留連
豈不懷我邦荆枝相纏綿決計圖過歸道遠不得前
手握終軍繻心馳祖生鞭黔山高萬仞代馬嘶北旋
爰慰倚閭思勉哉歌慎旃

送體敬張師

之任中野

朔風鳴四野送子河之下執手無一言喟然起長嘆
丈夫輕離別所重在交歡獻書不得志歸來戢羽翰
秉譯教友邦朝夕共溫寒條膺天子詔巖邑借琴灘
南野號難治邇來稱凋殘君子乃良庖遊亦政自寬

徵書亦恒事獨貴榮名完歲晏涉江波勤勤勉加餐

述懷張

西北有高士雅志誠組修結髮游藝林片語橫千秋
豈不策高足鹽車非所求駕言從吾好灌園依舊丘
讀書契古人教授集名流下以毓髦乂上以振先猷
雙雙汗血駒騰達來帝阼帝曰乃義方璽書鬱相褒
一朝悴霜露白日不得留昔有河汾儒上策貽衆咻
華胄生才傑門下多公侯何必親見行芳澤被九州
卓哉張夫子異代同其儔幽泉誠可作吾欲結綢繆

梁山

揚舫采石陰擊汰牛渚口大江入浩蕩心目快虛曠
遠見西梁山橫波若驤首東梁固險要勢似遜儕偶
雙闕數千尺天壯神京守中有萬里流束縛霜豨吼
陽侯稍霽威方得恬波走我舟下東梁初謂狎平阜
轉經峭壁下詭狀無不有其滑如礪石其直如削斗
負竒天壤間肯讓西梁否併力競分寸呼張失呼張失于囁
篙眼脫鈎攀復已隨奔瀏永賴緝竹功嘆賞濟川手
于時憂艱危尚恐遺丹黥幸而卽無虞心目亦摧朽

因歌行路難一羨陸居叟

癸巳春正月十六日過月僧精舍與朱山人綸

吳太學尚琦諸君雅集

時序方入春元正倏已半林枝骨自澗腐草夢將喚
步屨訪古寺瞻禮慈悲案香龕自在像縹緲合禪觀
群黛施佛錢可念不可玩東風吹繡旛花燈爲誰燦
遙遙江湖心茫然尋彼岸偶值會心徒晤言適我願
山僧共素醴春盤就齋爨流星浮太白鏘肩拒巧難
飄飄朱山人自喜把柔翰所攜二三子斐然具片段

朗如天都君。玉立表雲漢。以我樗朽質。何幸遊睢渙。
鼓吹亦同調。久已慕吾腕。斗酒不洽量。茲聚良足嘆。
十戈江上急。冥羽防射彈。勉旃虛已遊。一舉恣汗漫。

初夏避喧來鶴寺承興客石丈餉問

本性愛空寂。到此祇樹林。清和當麥秋。枝間鳴好禽。
門流艾湖水。面對謝公潯。野僧爲下榻。昕夕鬯幽尋。
南隣有遺老。忘機似漢陰。憐我不得志。惠然肯辱臨。
甌罍傾綠醕。爲我洗塵襟。蒲囊寫白粲。爲我憂釜鬮。
周之固可受。養賢敢自任。我方泣素璞。君已謝華簪。

出處雖異致。相視乃知心。時窮獲地主。何必叔牙金。
彈劍盡樽酒。慷慨一長吟。

送人游江南

離離數尺帆。脉脉千里色。春風苦催別。淹留竟何益。
不見孤蜚鴻。雲霄動羽翼。貧賤兩相親。安能共朝夕。
送君從此去。此去長相憶。我聞江上山。煙霞多異跡。
君去拾瑤華。儻遇食芝客。

嘗武訪其文學不遇

梁山高難越。朗水深難涉。我行至義陵。蕭蕭携敝篋。

不見武溪春。惟見秋桃葉。負此百年心。猶待重來楫。

江淮三友圖

三子皆淳格。江淮間稱其義。孫子操筆繪圖。因系之詩。

贈琅琊王生

王生翛然姿。玉立風塵表。刻意就藪澤。厭歷市朝擾。若心事編摩。千秋窺幻渺。昂藏一野鶴。混跡鷄群小。豈能長貧賤。燕雀永腰褭。

贈睢陽宋生

怡怡宋之彥。篤行邁中古。秉義事叔父。以色養慈母。翩然長離文。爲世所驚覩。納交無賢愚。共坐春風語。篋中有秘術。因之起聲譽。

贈西吳孫生

子真信竒士。遠覽極方外。歌咏青山中。迥然發天籟。重尋孫楚跡。酒樓爲高會。撫掌莫愁湖。千古增一嘒。書繪白剝技。世間稱三絕。

夏夜西園

送

有美謫仙流。散誕風塵表。夕步過西園。坐玩新蟾皎。鳥夢沉故枝。荷陰覆前沼。此景良難言。孤嘯響山竅。淮關與蒼水。弟夜談。

弟兄本一室。近宦托系梓。稍得耳相摩。歡坐倏移晷。
暑况澹無營。鄉園問不已。寒飈響庭樹。積草荒池沚。
官閣清漏終。燭光猶在几。亦知省郎心。汪汪澄淮水。
豈不急度支。素性耽拙仕。努力輸國籌。毋虛天子使。

七言古詩

太華峰訝送關中武明府詔徵吏部

送

太始以來元氣分散爲五岳。奠四極。西岳峻嶒竦處。
高孤峯插地四萬尺。丹霞迴薄香爐根。青空削掛蓮。
花色。君不見。連雲棧。那可登。青柯坪。烏不鳴。千尋鐵。

鎖垂崩騰。又不見玉井之潭。開十丈。世人可知不可。
上。穹隆峭削斧巨靈。留雲碍日相磨盪。永鎮秦關百。
二重。金維屹立山河壯。上有綠髮之玉如紫府之飛。
仙。鍾奇毓秀何翩躚。帝命降生爲世賢。江都正應五。
百年。鬱蔥秀色見眉宇。巍然一柱擎中天。明良際會。
徵高筮。郎官允矣宮府器。總領群仙太華尊。我君首。
陟都官。臣都官太華兩相映。天子萬壽臣不佞。

雪中友人招飲歌

送

夜來風雪蕭齋冷。長廊滅沒行人影。此時欲飲無酒。

錢愁心空對梅花。醒曉起開門。典敝衣。滿街春雪。踏
成泥。浮世虛華都類此。人生不飲欲何爲。北隣先生
知我意。折柬招呼賞嘉瑞。主人一斗亦成歡。我欲一
石方成醉。庭中片玉不曾殘。階下瓊枝春風寒。醉后
不知山路滑。任他僂跌笑袁安。

廣凌遇陸丈

詞

送

雲間大陸烟波叟。我弟婦翁我父友。冲東之度甫里
水。往往作詩諷於口。自言于書無不愛。九流百家子
史外。自言小物無不勤。竹頭木屑經綸大。守雌無

堅白鳴啣。卮更露風流態。廿載忘年東墻交。豈期一
別孤蓬飄秋霜。逆旅三天寺。明月逢君廿四橋。問知
鄉井滄桑變。閩殫爲河昭陽縣。堂上慈親空白頭。衣
襦飲食同衰賤。弱弟不救原憲貧。山妻應恨買臣薪。
我心日掛滄浪里。那能飛渡陵溪水。伯勞西去有嘗
聊。鷓鴣不歸堪媿死。眼中石火賈豎兒。世上虛名洛
陽帚。有田不耕東海邊。有親不養豈其天。與君買棹
且歸去。承顏菽水樂樂。

公鶴謔爲鍾淮海題簡詔墨鈔

又元家州之六
通村士基道
洪甲書。元六
法用耶。

雲溪山人非畫工。酒後運筆如生風。斷縑尺素自取
意。選選愛寫千年之寒松。一筆兩筆具偃蓋。恍如鐵
網囚飛龍。當時畫松又畫鶴。一鶴迴旋下寥廓。一鶴
松頂鳴長空。松風鶴唳清林壑。松大夫直氣天下無。
鶴仙子不與衆鳥齒。山人落筆豈孟浪。掛之高齋生
氣象。元常讀書東徂徠。翛然奮翼黃金臺。此圖持以
獻天子。雲霄聲價棟梁材。

秋日沙溪送趙又少還縣

沙溪近家六十里。兼葭一望連秋水。落日斜明楚雨

西。白雲飛出易山裏。我來十日沙溪頭。與君同醉沙
溪樓。君去不得共君去。峭帆開處空悠悠。

爲陸孝廉母壽

君不見海日東升海波赤。崑崙倒射滄海色。中有白
玉之瑤室。雲間曉見仙人跡。仙人種樹此臺邊。開花
結實三十年。稱觴不用蟠桃獻。出取懷中霜橘鮮。

賦得八月廣陵濤贈吉軒宗丈

廣陵濤噴如雪。層波立浪擣秋月。濤來海宇青濤去
江門灑。先生浩氣凌三山。却與洪濤爭往還。便欲乘

東華堂文集 卷之一
三
槎向天漢。乞取長生不老丹。

春日憶東庄一娘子嬾宮送

菱青刺水。平如剪。鴛鴦飛去魚梁淺。荒村無人古柳
綠。不知何處哀哀哭。白沙湖頭春風顛。吹得春心愁
剪剪。天涯一望路超遠。野渡無人容易晚。舍北王孫
猶未歸。舍南孤塚新火稀。芙蓉面上高如許。還是前
年一鋤土。

白沙坂懷廣陵唐懷玉送

白沙坂。白日晚。駟馬向前村。來扣主人門。主人一見

披裘笑。我正思君君就到。張燈命酒話清宵。紛紛
片吹鷓鴣毛。天寒歲暮且休去。茅齋十日留君住。別來
五見梅花芳。萬里懷人雪滿堂。折取瓊枝瀉春液。水
心却對白沙客。

伏龍詞

王處士別署龍淵了蠟屈不仕吟或自
老今年政七十即因詞伏龍以壽之

必弗清寒腊色紅。草堂坐擁數鳩筆。乾坤此日逢初
慶。介壽百壺春酒濃。四筵且勿喧聽我詞。伏龍先生
無意蓮魚木。先生有意遡羲農。一生不藉文章加。二
酉翻勃探討功。吟花弄柳三千首。問字傳經遠近朋。

蓬萊海水幾清淺。古貌年年歲歲。同販夫矜一錢。國君誇萬鍾。紛紛此輩如塵土。一毫不入龍胸中。松姿頗耐三冬雪。鶴骨能支萬里風。君不見侯嬴七十彘門東。信陵執轡執愈恭。又不見王生笑傲漢皇宮。廷尉結襪摧^考。唯占來賢達。皆不朽。龍兮龍兮。令爾黃髮。鮑昔遊無窮。

怡怡堂詞爲史宗師作

世間兄弟儻易得。荆花棣夢無顏色。比今之人得最難。脊鴿飛急雁飛單。手足巖陵分彼此。回頭歎

女子嗚呼此道棄如塵。王張風化誰其人。君不見河東雙鳳如膠漆。並峙梧桐共竹實。代親哺雛成羽翼。誓不異炊情轉密。怡怡之堂高入雲。兄持繡斧弟攻文。繇來一體本非二。悠悠陌路何紛紜。

題西星畫菜譜

世人豈識陸方壺。放筆寫生墨氣殊。萬卉千花非其好。春臺頃刻長瑤。蔬入菓飄風落瀋。糲微窠貼地烟草鋪。欹斜背向布條懸。左右蒼蘚相偎扶。點點黃花初著眼。飛來白蝶光有熱。此物性溫味復淡。直調鼎

鼎非芻豢漢陰老人抱甕劬春雨纔過土如酥玄圃
對面疑可往豈獨螿酸屨腐儒

壯士吟

祖龍有天命壯士徒揮椎七首擊不中鉛刀筑空爾爲
酬恩報怨指白日世之成敗將安知仰天一笑爲君
死刺俠之名滿青史

節孝詞爲王無文母夫人賦

堂上呼乳老姑懷中呱哺二雛憔悴者誰子千金妹
哀哀黃鵠之早寡亦何愛於須臾乎惟此姑與雛義

不忍捐軀靡他之矢焉可誣上及青天下黃墟嗟嗟
秦川可絕此義不滅

觸時有感爲王使君作

三害未降無寧宇前有毒蛇後猛虎豪強漁奪如公
卿又犬有志不得吐善人有錢不自數吁嗟乎何時
去務觀青天豺狼掃跡奉首感君不見潁水清時

灌氏寧霍家奴死民被堵

觀泉圖咏

五老峯頭瀑布懸風雷噴薄龍蛇旋恍如銀河落天

東坡先生集卷之八
走。半空濺沫飛紅泉。崖根箕踞一高叟。坐對奔湍足
幽致。老子關前濯紫氛。莊生濠上灑塵滓。此叟何年
卧丹丘。一片寒生萬壑秋。松風撼出濤聲厲。雲山是
處覓滄洲。

贈薛廣文

錦宇先生稱世賢。嶽崎歷落如飛仙。雙鬢隆隆飄紫
髯。襟期灑落神虛員。結髮論文唾珠下。時髦豈敢爭
先鞭。從來家處清淮曲。白田以南覆盍北。雲山面面
揚翠屏。烟水平湖對華屋。身藏寶劍人不知。徒把雄

心付鳴笳。川塗謁帝走如鷄。成願銀字爭一顧。黃金
結客半英雄。白璧酬知盡草布。當時聞說薛孟長。今
讓何人稱獨步。先生五十氣逾豪。耻作鯢生隨爾曹。
座擁圖書一萬卷。眼視百城輕鴻毛。前披絳帳得安
樂。廣文先生官獨高。臘月泥橋地凍裂。遶砌梅花開
似雪。射陽新鮓色如銀。高沙皮醞香味絕。我歌錦字
爲君壽。他日登堂頌髦耄。

贈王生

王孫高蒼竹不染丹青氣。蕭然拂納素筆端。有深意

胸中磊落誰能平。寫出琅玕撐太清。嵌寄文石相掩映。彷彿春林新笋生。河東丈人雙眼明。日對此君稱忘形。挺挺霜露高千尺。雅羨中虛復外直。牀頭一夜風雨來。只恐蛟龍欲破壁。行看坐愛風滿堂。雙鈞鐵鎖金明璫。渭川何必開千畝。况兼楚國有瀟湘。

題戴文進風雪歸村圖

乾坤凍合冷蕭蕭。一片雲山望裏遙。欲敵寒威憑酒力。逆風支傘過溪橋。溪橋之外多村塢。瓊瑤封斷來時路。何處詩家不畏寒。春光早透江梅樹。

古碑

道旁古碑磨滅不可識。其人骨已化。其碑還爲山中石。偶坐此碑下。嘆息復嘆息。嗟哉噉名客。無故勞人加。君不見首陽與峴山。何事千秋蟲空碧。

吳府君力復五塘賦此壯之

清清五塘水。千年復來瀦。昔爲淮氏田。今爲鄭國渠。昔爲尚書業。今爲郎官湖。百尺黃金鱗。徑寸明月珠。軌復五塘食不待哺。拔刀斫几志何果。監司不可公。印可誰其餉之。公濟我誰其蓄之。公惠我。

秋日望黔陽東樓哥道

古筑東山高百丈。城樓更在東山上。寒鳥俱從足下
飛。花蠻却首雲中望。嫋嫋旌干駐夕曛。雄關千甲却
氛誰向樓頭吹玉笛。令人長憶馬將軍。

水西行遠

水西兵馬翹其雄。四十八部如從威。邊徒別將當一
隊。瓊衫萬片蒸霞紅。人人椎髻跣雙足。奔騰劍石躡
芒竹。生來十歲能挽強。長刀亂舞秋蛇綠。嶺蒙那識
畫麒麟。只顧橫行不顧身。趨利恍如飛鳥疾。攻堅直

豈不若從從
作飛前則人行
此亦亦亦亦
也

占當作此

入海龍屯。少年將軍衣白澤。面如傅粉能殺賊。三條
木刻夜傳宣。萬馬浮江曉無跡。吹金笳。佩銀鼓。播州
爭拜大鬼主。紅旗滔滔占蠻府。指揮羅日凌飛虎。楊酋
關斬取名王。獻至尊。重將玉斧整乾坤。黔中聽說安
宜慰。更比楊家心膽碎。

新店驛

新店驛南山簇簇千峰萬峰開。紫玉仰視蒼崖絕無
路。抗旌前已轉飛谷。谷中佳樹蔭清泉。山鳥山花別
有天。解道紅顏生羽翼。何曾丹壑遇神仙。空嗟身世

層雲裏更有層雲當面起。天涯遠在參井邊。登山山路何時已。行過萬山頭。不見古辰州。落日驅車歸。候館臨風拂枕。夢扁舟。平生雅慕青山好。誰信青山令人老。野夫適意無近遯。一丘一壑休草草。

采石弔李謫仙歌

甫直隸其巔恍然與酒星相接

江州向歛海日遠舟子與威

采石磯頭萬仞淵。青山如壁水如天。錦袍一落不可得。遂令四海無處尋。青蓮我來燃犀照其下。波臣水族胡紛闕。峨峨朱宮紫貝闕。供張學士將千年。文魚

赤鯉擁侍衛。乖龍跋鯨那敢前。白也兀兀猶醉眠。呼之不起而笑焉。床頭奇寶不可以名狀。應手揮棄如雲烟。金裝玉醴不用一錢買。石華上肉堆瓊筵。陽侯海若甚敬客。此中快意果自便。長安酒家無酒錢。五斗一石空流漣。三郎怒爾不上艇。將軍恨爾不附權。阿瓊朝嘲宮翰林。暮歸田噫嘻。吁達哉。夜郎川噫嘻。吁悲哉。海陽衛丈夫。生合有方外。安能蟻慕人間塵。時雖有時帝。左右提。月見與兒童。儻長庚之星原不。空山宿草處。羊糞衣飛上寒峰巔。四圍霜樹如

髮披弱使
體氣不
不

錦園牛渚江邊悲落日。蛾眉亭際問蟬娟。文夫生合有李白李白
孺子在此何不酬。然其來與爾吟詩嚼酒探無始。

八寶贈桑孝廉維翰下第

去年看君鵝鳴寺。大學諸生爭問字。今年獻策不見
收。掩淚看花出帝州。三十明經殊未老。男兒致身何
用。盡片言遇主等閒間。胸中經術先須飽。青草湖頭
歸舊廬。蕭然一似子雲居。秋風自放籠中鶴。夜雨潛
窺篋底魚。壯夫心骨苟不墜。東山豈得長高脚。漢家
進士若積薪。名途翻笑早行人。六月擔簦塵撲面。我

亦正欲覓相見。何期先枉故人車。共把一杯情戀戀。
君不見中天赤日苦炎蒸。高齋白羽搖不停。安得玄
湖如練鍾雲冷。與君重上石頭城。

贈陳知梅

先生知梅花。梅花畫先生。先生玉貌如水清。前身合
是老梅精。記與梅花結交久。歲寒心事真知否。筆底
橫斜世外神。羅浮仙人骨已朽。我家梅樹東墻東。先
生繪畫將無同。一幅溪藤千點雪。相知日日是春風。

講藝篇為吳府君賦也

鷄鳴而起宵未央。公服而拜文宣王。門吏大呼公上堂。儼若神明庶燎光。考鍾伐鼓聲琅琅。驚飛宿羽廟栢蒼。白頭博士倒衣裳。青衿弟子履沾霜。執經問難巧趨踰。仰視光焰萬丈長。伯樂一顧真乘黃。輕心俗化爲賢良。治比文翁更擅場。江都祗接鄒魯鄉。

九日同諸弟東庄飲

秋陽黯淡虛堂影。風雨乍來羔字冷。籬邊黃菊如有情。天上白衣空引領。田家新酒清可酌。弟勸兄酬罄百壺。何事年年悲逆旅。登高空自把茱萸。

廣陵卞宅席上賦得節報上元歌

百花競試春風場。萬彙爭先邗水堂。霄漢明蟾懸藻鑑。中天緯象作文章。附鳳早瞻雙鳳闕。攀龍還見九龍翔。此時丹桂連根折。此夜金蓮並蒂芳。連根並蒂稱妙手。錦心繡口游睢敷。人誇甲第列三元。衆喜華筵羅八斗。乍指山郎引鹿鳴。忽驚學士騎鯨走。宮娃似笑勸壺觴。靈鵲如喧臨戶牖。雲母屏風四面開。火齊珠樹兩行栽。千枝寶炬真無價。一道銀河飛下來。座上誰如淮國賦。人間難得禰衡才。東海築成留月

觀揚州原有摘星臺。君不見雲中天子奉蕭韶。一夕
春分二十四。又不見將軍百葉光祿第。高燈萬戶誇
盛事。午夜江城報上元。東方瑞氣散千門。

文學晉忠烈公諸孫

積學好文詩中以
推報上元期之

扇歌答徐性之

徐郎手持折疊扇。湘筠爲骨荆金面。白雲長吟大曆
家。黃庭細寫山陰縣。當時贈別方暮春。置我懷袖情
最珍。半輪明月裁新句。一翊清風來故人。故人之才
稱作者。英年猛力追大雅。雄入詞場建鼓旗。白羽一

揮皆下馬。于今此事推徐郎。雲龍未際名譽芳。郊寒
島瘦風人態。繡虎雕龍文士勝。人生何必常貧困。蒼
天高不可問。悲訝慷慨求知音。彈劍佐酒破孤悶。君
不必泣路岐。南山有鳥北山棲。亦不必遊軒冕。蓬門
肆志朱門險。布衣蔬食安粗淺。歲寒之後陽和轉。徐
郎徐郎與爾同調。又同宗。相視而笑心期同。欲知別
后思君否。搖蕩幽窗解鬱中。

菊花爲秋風所什

秋花未結黃金蕊。柔條脆葉紛可喜。一夜西風偃萬

林可惜此花盡披靡。主人對之長太息。期年栽汝費
心加預儲。稿穰當橫霖。細覓春蟲虞。嚙食朝朝抱甕
花之傍。爬搔灌溉如有傷。雖然未放東籬色。如何反
罹封姨殃。呼兒急取長鏡來。空園挑上填根蔕。扶枝
植幹用密意。左支右吾日幾迴。多謝狂飈。且莫吹蕭
共。詞漫相欺。陶家釀林早晚熟。遲爾開晴霜蓋奇。
秋夕湖上草堂 送

主人夜歸湖上宅。菰米寒漿炊晚食。荒村寥落燈火
稀。滿耳蒹葭聲颯颯。十年學稼五湖秋。田園雖在水
空流。鴻雁飛飛高不下。微禽亦爲稻梁謀。

乘馬行

兄駟馬弟乘輿。道傍蒲伏車中儒。弟繡衣兄韋舄。路
人竊笑馬上客。當時不殊同隊魚。豈料一龍爲一豬。
樹花飄落茵廁。偶然何必有命與。大鵬一日九萬
里。尺鷃逍遙亦如此。市兒雅好齊物論。耳目之所不
及。無榮恥。絲管蛙鼓吹。蒲旗荷蓋相追隨。糟丘南面
足自樂。青州從事吾指揮。冥然倒載牛背上。與乎馬
乎吾不知。

徐先生集
卷之一
三

徐民上先生集卷之一 終



民上先生集卷之二

廣陵徐來復改之父著

後學李長順天助父較
男 獻科十夫父編

五言律

莫愁湖

止水方一鑑。美人已千秋。光涵石城動。影蕩畫橋流。
楊柳織腰度。蓮花素面羞。波間移月艇。泛取莫愁愁。

清涼門舟中

倦馬長千里。還舟建業濠。斜陽官渡晚。新月女墻高。

東坡先生集 卷之二 一
道路懸三楚。風塵化二毛。鄉心正愁絕。孤笛起烟濤。

晚泊江寧鎮

免席尋廬爽。明燈近水門。江空魚跳月。山黑犬鳴村。
一宿豈無數。孤萍徒有根。蘭舟多載酒。去住信乾坤。

上江行

上字の舟

畫舸泛清江。青山轉綠窻。中流聞楚調。下水看吳艫。
俗慮頓然洗。吟魔未肯降。景純渠已賦。何用筆如杠。

李坪舟中五日

客路逢端午。蒲觴感歲華。汀洲餘艾葉。村落隔榴花。

三楚歌偏慨。孤舟日易斜。懷沙讀未竟。清淚滿天涯。

洞庭湖

一碧森無際。孤舟空望洋。鏡中收楚嶽。席上捲瀟湘。
不忝五湖長。何殊百谷王。君山那可渡。風色晚蒼蒼。

楚山

一入楚山裏。千峯鳥道微。泉聲答笳吹。花影度禿帷。
抱石耕瘦。蹲鴟木植肥。有時凌縹緲。天際白雲飛。

夜行

日落行不已。山深轉自疑。清猿隨斷續。老馬共艱危。

歷澗分松火。臨關摸古碑。蔽虧千萬嶺。休訝月光遲。

飛雲巖

巖巖阻垢氛。奇詭世誰聞。潭淨分玄瀑。樓虛鎖白雲。
呼猿窺洞秘。駐馬讀碑文。更欲題春竹。前山畏夕曛。

至便水

楚域畫沉水。封人拜鬼方。菁深淹日月。天險絕關梁。
蛋酒花間薄。羹歌徼外長。予非漢使者。何事遠投荒。

發展陽

詰曲不堪數。潺湲已厭聽。熱驕三伏盡。雨濯萬崖青。

唐人上集

銅柱看遺廟。丹砂表異靈。西陽何處所。輿上檢圖經。

山塘南道中

長途牽別恨。歲暮逼歸心。馬渡黃泥坂。人行蒼玉林。
山空鳥語響。沙軟虎蹄深。客路逢刀斗。鄉思那可任。

京師得家信

為客渾無策。空來舍弟書。風霜欺短髮。官府厭長裾。
詞賦唐年古。悲歌燕市虛。那能見天子。歸去故山廬。

華容懷古

雨色沾瘦馬。河流渡晚鴉。先秋登稻稼。遠郭種荷花。

割據縣名古區分禹跡賒東山劉大夏雲卧已堪嗟

石鍾山

山在湖口縣大江之上而城半據之怪石林
林玲瓏巖巧其石可擊而韻故謂之石鍾蘇
長公一說山濱江其空洞處波潮吞吐鏗鎔
成聲遂以爲石鍾也山中樹最高涼可愛根
盡挈石而生亭宇面面當奇匡廬彭蠡在欄
檻之下是日遊者指一石謂予曰此山中之
無射也襲者寧國愛而致之官府則不鳴及

還其處又鳴異哉山靈亦知不軌耶因命童
子撞之厥聲清越凡碑樹咸製鍾形

石鍾何處所江畔好幽尋足躡青霞嗽身遊紫玉林
偶然成拊搏誰與鑄崎嶇學士談空水千秋亦賞音

登小孤

小孤在江中央舟泊彭澤縣從窻中北望此
山奇甚急欲登之黃頭郎以波駛有難色遂
拏一小舟北渡宿松詢居人上山處因是掛
半帆順流至石嶂下峭壁無緣旋渦可怖櫓

楫無所施。忽洞沿至小灘。方有亂石可挽而
椽杙者。仰視天門。陡絕攝衣而上。抵神宇而
休焉。然亦目奪心搖。不能久佇。復欲窮躡。巖
巖道者曰。此怪鳥蟠虬出沒之所。于是不問
絕頂而回。

四圍驚削玉。一線喜攀蘿。仄徑全經雨。危欄半出波。
潯陽春樹遠。彭澤晚山多。放下崖根舫。高寒奈若何。
淨海寺

寺據獅子山之麓。爲宋處元文舟師泊處。名

曰三宿巖。今漲沙成陸。爰建佛宇殿。左平地
湧出一山。峭崿空洞。池亭林壑。靡所不具。總
之不外一畝之宮。亦天然之勝也。

緝宇帝城邈。來遊了世緣。卮泉通海眼。古殿並山楹。
竹入青僧話。苔餘白社錢。不知般若理。空自慕逃禪。
再至石鍾

高亭嵌鍾石。何惜往來頻。巖壑胸中物。登臨客裏身。
雲迷匡阜瀑。風濤蓋湖春。俯視空潭曲。悠然有釣綸。

泊桐廬

夜指桐廬宿寒江枕碧波更深漁火少秋盡朔風多
客夢時時覺年華處處歌攬衣吾待旦其奈曉鐘何

九江晚泊

獨立沙之渚離懷散沈寒廬山思雨瀑溢浦隔春潮
司馬江亭古為州谷路題夜月懸欲從茲地隱柳外逐漁樵

早春廣陵城西汎月

水邊呼舫艇郊外覓芳菲雪草青爭發烟禽翠對飛
野亭新賞遍春酒故人稀年少歌聲亂相將棹月歸

光孝寺除夜

客心憐此夜寂寞共山僧臘去霜裘在春還雪鬢增
思歸時覆酒不寐屢挑燈季重年應接深慚鄴下能

鳩茲吉祥寺

夕陽槎上客散步到禪宮海市魚龍襍江聲晝夜同
翻經虛閣閉說法古臺空混俗求真諦遐哉杯渡風

光孝寺對雪

朔風吹海雪片片舞禪扉太素生春色清寒近夕暉
梅花香不淺車馬跡何稀僵坐攢眉社蕭然一布衣

春田漫興

并爲滄海佃最愛白雲莊燕乳誅茅屋鷄鳴打麥場
瓦盆無客主藤枕就羲皇向夕林翁至城中得酒漿

又

別業依丘隴衡門掛薜蘿早霞明塔寺斜日上蒿坡
渡水魚橫艇携壺牧就歌步來些小地幽意具陂陀

張網溝逢霧

歲暮欲何之江干羸馬遲穿林千葉滴過渡一村疑
氣動鴻濛合光搖玄女披十年耳豹隱不敢恨晨曦

寄金山空滿

高僧垂雪頂枕石翠巖端孤柱架蛟窟幽窓接象轡
游雲層野變秋月萬波寒法眼烟濤外人生涉世難
、春日廣陵送鏡上人歸峨眉舊隱

屢更還蜀日此度決孤征明月穿巫峽秋風過錦城
石龕虛講席江社冷詩盟獨有浮雲意從師萬里行
北歸過看何茂倩

爲憶梅花閣因探何晏玄前身清是鶴近牀澹如蟬
欲下山陰雪將辭歲暮天王孫其脫粟猶剩酒人錢

冬日送芮貢士玄洲之京謁銓

後得建昌令

蘇軾詩集卷之二
歲暮客行邁。遙遙指范陽。山川迎馬首。霜雪渡河梁。
彩筆心原壯。青雲意未忘。良夫忠膽士。結綬奉明光。

冬日吳陵贈孫孫行

雲飄迷楚國。雪屋得孫康。共我雕胡飯。探君繡虎囊。
交遊知耐久。貧賤亦何嘗。窻下多奇樹。春來次第香。

別孫行

常

吳陵方十日。九日叩君菴。水閣披圖坐。寒城刻漏談。
要予鵝換字。餉客果封籃。暫別梅花落。相期柳色麪。
寒夜邵伯埭。與豐復初宿寶公寺。

榻蕭蕭雨。何期美士同。蟻浮春酒綠。花吐夜燈紅。
說劍嗟予老。論文媿爾工。相知方恨晚。那忍又西東。

道士泐

一徑盤峯上。玄關面迥波。石竒蹲虎豹。磴險接藤蘿。
雲。避人飛去。客尋僧話過。力疲幽絕處。猶仰鬱嵯峨。

咏雪

浴降通宵白。狂飄到日低。竹間鹽灑葉。花下玉爲泥。
宿髮絲絲冷。貂裘處處迷。海陵詩思好。何必灞橋西。

美人早起

喚起鏤金床。遲遲出洞房。紅顏嫌着粉。皓齒暗生香。
髻似拋家髻。妝如墮馬妝。海棠睡未足。魂夢帶檀郎。

輟湖上孫武庫

討侯原有命。恨無年。櫺下名騅老。牀頭寶劍懸。
揮金箇不朽。沒羽技誰傳。一束君知否。茫茫欲問天。

別業歎

舊業負長鏡。荒園可築巖。漁樵多伴侶。丘隴近松杉。
釀酒催收秫。拋書問落帆。吾生專一壑。何事戀青衫。

新樂王始生世子寄賀一首

來教大盛於丁

王心同最樂。帝胄異添丁。鴻寶家傳舊。靈珠託得
明。東籬儲火輔。北海望維城。慶醴饒朱邸。何時醉馬

卿

興教寺苦雨簡隣舍衲友

不奈虛簷雨。潏潏已二旬。春陰愁甲子。屋漏守庚申。
初地黃金濕。彌天白日淪。期君聊茗飲。莫慮桂爲薪。

延令贈張師德余時將之楚

下馬問張衡。人人識姓名。十年虛夢寐。一見盡平生。
朔吹江城晚。寒燈古寺清。淹留貪妙賦。不復計西征。

慶雲寺與陳太學月夜簡友人

夜夜東林月清光。都是君良宵。虛把酒精舍。阻論文。
獨步移松影。遲眠過雁群。元龍居百尺。只隔後溪雲。

秋日寓海陵三元觀

水外黃金殿。林間白玉京。神仙應可駐。丹藥幾時成。
壁劍空龍影。壇簫亦鳳聲。自憐嬰世累。安得慕長生。

慶雲寺初雪簡戴文學悟凡

短褐坐不暖。僧來雪滿衣。寺寒無客到。庭白有鴉飛。
幽谷高風曠。梁園清興違。徘徊思見數。爾曲和人稀。

龜城贈湛上人

龜城望京口。百里接雲峰。忽下焦山錫。同聽古寺鍾。
觀空無所任。身幻屢相逢。試問松寥閣。窻巖見幾重。

雨中謝埭簡張印亭

去鷁非羈旅。停橈待謁君。蓬蒿迷霽日。門巷阻寒雲。
萍落烟霞態。悠悠鹿豕羣。掛帆吾未忍。沾濕過論文。

酬王文學備子假館

山堂能借客。驚見古人風。廡下身如寄。瀼西徑已通。
孤吟思徙竹。一醉忘飄蓬。儻欲聽吾欵。嘗來夜月山。

冬夜同李純卿邢開賞雪

淡淡虹梁月。蕭蕭白雪歌。行盃遊玉宇。選伎渡銀河。
不覺寒威失。翻增夜色多。謫仙更奏酒。清漏欲如何。

興教寺秋日送太學博士趙少華之燕海上潑陽相國弟

雙林同假館。一見是通家。碧草聯黃閣。青藜自絳紗。
持螯來有約。騎鶴興無涯。忽忽復論別。相思海上槎。

春日廣陵俞少府諸老集天寧寺知予寓西林
移具過訪

春園諸老集。偶與澗樵期。酒畏頻飛羽。花憐欲放枝。
黃金餘惠養。白髮徤追隨。醉後携筇去。城笳已暮吹。

赤壁觀音菴

山僧若猿鳥。石壁構精廬。偶拾周郎鏃。閒臨蘇子書。
護岩春迸笋。添瀑雨衝渠。自笑江潭客。空來問卜居。

過泰州茅山

颯爾蒲帆疾。茅山欠一遊。寺藏深樹裏。僧立古溪頭。
矯矯孤飛鶴。飄飄不繫舟。欲修玄豹業。舍此復何求。

白沙湖

澄湖已漫滅。空有白沙名。萬葦迎秋折。枯楊近水生。
牧鳧荒嶼集。飲犢上流清。日暮孤舟客。蕭蕭賦遠征。

立秋

一葉既已下。高齋知早秋。松陰俄雨歇。竹暝忽螢流。
未謝班姬扇。空懷庾亮樓。涼風旦夕起。吾蕩木蘭舟。

新秋

殘暑去無迹。披襟取嫩涼。蓼風疎豹脚。松露洗蟾光。
未忍拋團扇。先須搗薄裳。窓前叢桂樹。渾欲釀寒香。
農人刈稻要予至庄

庚子年

穀貴秋容淡。家貧生計疎。釜_{筆中}資爾力。舟楫候吾廬。
汎濤看新雁。迂湖過舊漁。今宵庄月好。莫遣綠尊虛。

秋日村居四首

主人多隱興。况復至田家。曳杖觀流水。編籬度宿鴉。
舊迷修竹徑。新繫采菱槎。南事豐年樂。予生鬢已華。

又 池館蕪廢
慨焉興懷

鵝亭不可問。秋思滿滄洲。曲榭從殘草。清溪仍細流。
晝盃雙鳥下。宵話一僧留。養拙烟波外。年來已倦遊。

又

闕畊如昨日。觀穫倏秋暉。九里蒹葭淨。兩湖魚稻肥。
烟深射鳥去。月落叱牛歸。所作盡寒苦。慙予筋力微。

又

○○壞誰曰陋。容膝自知餘。榻下卧黃犢。燈前跳白魚。
養生欣穀賤。留客畏樽虛。野月逢閒夜。焚香讀素書。

省野

是月欲遊
崑山未果

泛楫之東墅。蒹葭兩岸秋。風高蒼雉暈。溪冷白雲稠。
未畢三花願。空懷百畝憂。農人具鷄黍。昕夕暫相留。
弟侄俱董檣事

原野氣蕭瑟。屋邊秋水多。征鴻冥別浦。寒鷺立衰荷。
已鑿觀河牖。還營種樹坡。自今逢歲稔。與爾醉言歌。

村居苦雨

田家多作苦。最苦是秋霖。茅舍炊烟濕。蹄涔積潦深。
奔雲纔漏日。怪鳥復啼陰。禾稼都生耳。茫茫造物心。

又

造物有何意。秋來不放晴。烏皮晝夢短。白苧暮寒生。
蔓菜厭盤味。漉穉伏枿聲。村童報西熠。倚仗出柴荆。

春雨留別劉孝廉韜伯

五字利絕
小言有

積雨淹行李。山堂候夕曛。病憐予止酒。貧愛爾攻文。
塔寺烟光合。寒關樹色分。不因膠漆契。何故惜離羣。

冬夜宿揚州天寧寺懷城中二三知己

西林聊假榻。寒苦若為情。歲晚羊裘薄。更闌兔魄清。
豈無高卧地。兼愛遠遊名。展轉懷同調。寥寥曉磬聲。

送四弟之京候調

羊腸君已厭。此去是康莊。聖主知能吏。都人識省郎。
矢心寧玉碎。改命亦銀章。送別秋河上。天邊雁數行。

薛雲卿見顧

山房多寂靜。偶爾過華糖。落葉僧情掃。名香客氣添。
調全玄草業。才遜白梅篇。正欲驚河漢。禪鐘報暝烟。

送李公子之京

閩闔有明恩。懷章謁至尊。生來近日月。別去各乾坤。
盧水迴燕塞。青山達薊門。柑君簾下。東閣幾人存。

雨中堞上欲過張八丈不果題館壁去

孤劍崇陵客。狂歌寄酒家。路逢三月雨。夢隔一隄花。
帆影東西折。林光遠近遮。飄然從此去。誰與報張華。

送孫文學還彭城

歸路極千里。離愁奈爾何。水侵淮浦濁。山入呂梁多。
結客惟然諾。還家空薜蘿。天台賦若在。無事恨蹉跎。

冬夜丁溪進舟

子風貪片席。乘月過丁溪。煎上明新火。缸中擁舊絳。
隄光寒裊裊。海氣夜淒淒。旅思無人問。前村聽曉鷄。

擬艤

卞長白作。艤。舟間。乘空若舟。題曰。擬艤。命予賦詩。

板屋浮簷出。居然邗上船。地當牛女渚。人指洞庭仙。
春雨排虛浪。浮雲奔逝川。若能通筏喻。愿假濟塵緣。

送湛公還焦山

八城無所住。一宿便還山。談若空花墜。身如去鳥閒。
試茶揚子水。摹碣碧桃灣。突兀焦仙洞。何時共爾攀。

安豐夜泊

東湖古溪曲。宵纜卽爲家。鴉落旗風颭。漁歸罾雨斜。
歲寒舟楫小。身老道途賒。明發之南堰。江梅漸有花。

春日送李維凝之閩

萬里覲親闈。三江換客衣。水從烏石下。雲近幔亭飛。
鳳閣聲逾重。鷄聲價不微。歸期卜何日。別思轉依依。

冬日寄懷余幼愧

壺山余處士。客計近如何。洗硯顏碑古。藏書鄴架多。
梅花江國冷。霜日海天和。相憶逢群雁。題詩問薜蘿。
清明前一日同梁邗槎沈群玉飲曾志點宅上
依食多寥落。行歌覓酒人。半簾春雨細。一榻夜談親。
汴柳他年折。山桃此日顰。相邀出西郭。寒野禁烟新。

金陵別弟

此地別非輕。黔南萬里行。雲迷江浦樹。雨濕石頭城。
予自保衰態。君能取令名。還家效萊舞。先慰倚閭情。
又

南渡送已遠。北歸情更淒。江山貪少印。風雨助長啼。
岐路各春雁。前村空曉鷄。何如諸季樂。家塾共蒸藜。

再別余幼愧

五載忽云別。尋盟特地來。轉看雙鬢白。聊向一樽開。
借久書全蠹。行稀屐半莓。淹留仍信宿。歸思漫徘徊。
袁將軍失朝。謁者劾之下。吏卒從未議。詩以嘲之。

直是朝參懶。須知詔獄恩。罰金當未議。把劍賦招魂。
在檻誰無屈。登壇爾自尊。明朝躍馬去。膽落漢監門。

宗翁九十

聖主占春曆。江湖有歲星。莊椿淹日月。野鶴煉儀刑。
薊子摩銅狄。張蒼乳漢廷。璽書先養老。旦晚下巖扃。

書陸純翁扇頭

長憶雲間陸。蕭蕭兩鬢疎。歲荒吟興減。春逼酒逋餘。
交重珍來扇。名微賤草書。何時官墅棹。相對話樵漁。
已未仲冬送昆明丈司李括郡

持檄御仙舟。揚舲實壯遊。路尋徐杜傳。人擬鳳麟儔。
甌越嵐光淨。錢塘波浪收。使君自安穩。入境召棠留。

過田家

五月南薰至。田家喜麥秋。村醪非有約。畝饒似無憂。
丙舍環雛燕。晴林老婦鳩。此生畊鑿外。何事復他求。

徐民上先生集卷之三

廣陵徐來復改之父著

後學李長順天助父較
男 獻科十夫父編

七言律

燕臺春興

帝城風物動芳菲，澹靄輕烟拂紫薇。
南國雁書沉塞漠，北堂萱草夢春暉。
閒臨碧水長思舊，步出青山每望歸。
三月尚飛■地雪，京華未敢換羅衣。

贈徐舍人

客顏曾覲選文臺。多向髯參笑語開。兩地每勞池艸
夢。七年重合雪梅杯。燈前兒子金莖亞。酒後笙歌玉
漏催。莫負溪堂頻下榻。本源元自偃王來。

香山流憇亭

縹緲飛軒碧樹齊。振衣高躡白雲梯。臨深忽見雙泉
落。坐久時聞獨鳥啼。萬里河山盤輦路。九天宮殿與
僧樓。自憐吟望春風客。失落寒巖薊日低。

南還舟泊鄆縣

野角三聲動旅愁。依沙寄宿古津頭。關山乍見橫斜

月。邊塞嘗聞嗚咽流。世路無媒羞傍客。家人有夢說
封侯。歸來舸上消長夏。海國魚蒲正早秋。

金臺懷古

自古漁陽稔弄兵。文皇親取作都城。風吹易水鴻
聲晚。日照金臺馬足輕。燕市美人詞白雪。榆關諸將
舞青萍。山河百二雄才盡。獨少張衡賦上京。

潞河舟不進

十日移舟方半舍。水渾沙淺尚憂灘。北來風土三春
惡。南去江湖萬里寬。漫道乘槎隨漢使。誰能飛粟入

長安黃頭郎夜歌聲發哀怨人生行路難

廣陵秋日偕李別駕休徵遊上方寺

出郊清步詣名岡松檜蕭蕭古佛場江北少山茲地
秀淮南諸水是泉香途中劍合愁風雨酒後尊空解
鷓鴣今夜禪林好秋月與君同宿贊公房

二語可盡蜀
山一勝送東
作身不能送
也

夏日阻舟清源出郭遊清涼寺逢三老於嘉樹

堂賦此題壁

八十三翁津西將金八十翁
江浦王輅七十翁江蘇于輅

城隅金界自清涼鐘韻悠悠古雁堂雙檜蟠空聳作
雨一僧跏坐葦焚香眼中人物逢耆老別後交期嘆

渺茫六月風塵吾到此且將名姓記回廊

清源水澗阻舟二十日澍雨忽來遂得行

海岱膚雲挾雨來增波一水遽滌澗正歡枕簟驅煩
暑尤喜郊墟送薄雷沾濕不妨雙纜引參差何意片
帆開臨流漫記歸期近赤地鄉心日暮催

嚴子陵釣臺

雲木蒼蒼秋雨冥維舟獨上釣魚亭乾坤暫入真人
手山水嘗憑處士靈不脫羊裘非何世偶加龍袞便
占星千年祠廟空巖曲伏臘漁歌自可聽

、 婺州道中

野山鋪前山木秋。板橋渡口夕陽愁。荒林候吏工談
虎。絕澗農兒戲飲牛。漫自經過勞記憶。會須探討
淹留。吾生丘壑應多分。笑指東陽八詠樓。

、 蘭谿縣別叔父北歸舟中感賦

津吏聞鷄啓曙關。短蓬隨意下潺湲。梅溪渡過香溪
渡。白雁山連白鶴山。釣瀨買魚風味絕。官厨携酒夜
斟慳。茲行省覲兼遊覽。何必黃金慰別顏。

、 謝埭河決阻水法華寺

平陸成江客到稀。樾林風雨閉秋暉。驚鴻不下聲嘹
去。野雀飛來陣陣饑。驅石向無秦帝術。負薪曾濕漢
臣衣。魚龍沸鬱連滄海。莫問湖南生事微。

、 江東門夜泊書懷

春風相送石城灣。淼淼煙波夕照間。歸雁倦浮江浦
水。啼鴉空喚秣陵山。孤舟結伴三湘遠。千里違親兩
鬢斑。野岸莫嫌深夜宿。漁家相次落帆還。

將之齊安荻港阻風

蕭蕭荻港坐生愁。二月春江阻石尤。可是繫人他岸

柳不須疑客此汀鷗飛心但數蓬窻日歸夢仍隨竹
箭流薄暮步隄倍惆悵楚雲天末是黃州

西陂泛舟采蓮花爲樂

放舸悠然開野興橫塘高度采蓮歌天涯色映明霞
好水面香生驟雨多詞客逍遙持碧蓋髮童裸袒戲
清波千花十里嬌無比誰向當筵惜綺羅

送同舟刁子游赴溫江鹽長官

蜀道如登萬里梯溫江更在錦城西携家玉壘君恩
遠捧檄仙泉鄉夢暝高會必逢題柱客閒來須到浣

花谿沙頭泣別空無語碧草連天鴛鴦啼

潯陽江村寒食

孤舟一繫水雲灘菲舍無烟乞火難胡蝶自尋芳草
去楚罵方踏杏花殘江州司馬青衫冷彭澤先生綠
酒寒遙憶半村滄海上柳枝飛絮雪漫漫

赤壁感懷

百丈丹霞墮漢陰千秋彩筆闢詞林垂柯拂石經冬
夏飛閣憑虛自古今戰伐只供漁父笑陽春偏向郢
人吟梁城夕燧傳滄海忽漫東風折寸心

秋日登雨花臺

秣陵佳氣秋逾好。石子岡頭日幾回。世界金銀天闕近。江山龍虎帝城開。他鄉搖落悲無似。上國登臨愧不才。誰信雨花俱是幻。祇今衰草漫高臺。

金陵觀音門登舟回望鍾山作

白下城南夜搗衣。石頭城北早旋歸。愁來深淺梅花水。倦去嶙峋燕子磯。雙鬟不堪驚木落。百年曾得狎鷗飛。回頭步步鐘山色。相送行人過夕暉。

吳陵客舍冬日遣興

蕭蕭短褐寄行窩。袖手乾坤養太和。海國冰霜迷島嶼。江城風雨宿干戈。呼來臈酒牀頭滿。踏去梅花雪後多。可意伴尋雄一醉。肯將嚴冷向人呵。

詠燈下桃瓶

一枝穠艷傍銀臺。弄影浮香思可裁。匡鼎壁窺隣女笑。楚王筵燎美人來。玉衡金粟花相好。泮水蘭膏蓋並開。莫放春風弄閨人。暗紅深黑等閑催。

村居秋夕

深夜弗堂月上遲。暫分漁火照書帷。童烏向學歡無

寒自逢年樂不支。宿雁自堪司。且暮鳴蛙殊亦解。
公私爲農却笑謀。生拙飽食悠悠。世上兒。

祈趙淑曾梅花挿瓶

君家好事種寒梅。一樹弗簷。二月開。挺挺綠沈交素。
碧。枝。枝。印。雪。炤。蒼。苔。休。翻。玉。笛。弄。春。信。但。挿。銅。餅。走。
使來。踪跡。獨。疎。吾。過。嘗。明年。撩。醉。百花。魁。

冬夜寶公禪房書壁

松月團團古殿西。支公邀我宿招提。坐消香篆心緣
定。揀盡寒枝凍鳥栖。海水蓮臺超法象。須彌芥子落

空蹄。朝來撥去邢溪棹。俛仰高風憶虎谿。

秋夜天寧寺聞歌示同舍生

清歌莫問夜如何。明月紛紛下女蘿。隋苑故非楊柳
少。章臺元是美人多。調高白雪翻新曲。聲振丹楓改
舊柯。同聽最憐同舍客。恐驚年異入蹉跎。

夏日陪李師相飯頭陀巖希言于崇德書院

綠野堂開朱夏溽。午槐團影畫陰陰。溫公謝政恒居
洛。蘄子仙遊不在林。祇爲蒼生延黑髮。欲從丹竈煉
黃金。鯁生何幸陪揮麈。二老清風滌古今。

冬日鳳山作

靈山窟宅古城東。縹緲飛霞玉女宮。蝕土背巖流凍乳。交柯竒樹撼雷風。頻來曲澗寒芳杜。獨上高丘數落鴻。碧海莫嫌雲卧冷。鳳笙吹月下瑤宮。

夏日自嘲

一軒空對白雲生。散髮狂歌非世情。長日夢多知獨醒。雄風吹萬與誰爭。甌噐肯放春醪淺。石鼎何妨雪浪驚。過客自來還自去。穉康原不解逢迎。

拜太師李文定公墓

鶴巢松樹鳳棲梧。地下文昌未可呼。野塘春水澗徑連山寺。夕陽飛壘豐功四海穰禾黍。遺澤三朝絕鼓枻。孺子向來空灑淚。只將知遇報生芻。

廣陵九日懷李純卿登互父山

重陽今雨客懷牽。江上青山李謫仙。足躡風雲杯白迥。胸蟠海嶽句能傳。飄飄世路同莖節。冉冉流年各雁天。滿坐詩朋知劇飲。何人高帽落君前。

與李純卿金山寺宴集

江上名山處處遊。急流孤島繫扁舟。時澆壘塊中冷

水日狎魚龍。四面樓。狂客醉呼京口。月美人遙指。殊
陵秋。相期共結求仙伴。咫尺烟波。是十洲。

安宜遇吳長孺同諸君觀音閣避暑

當時河朔興翩翩。回首清塵十五年。北道再逢吳季
札。西湖重試薛濤箋。窻中雨色迷青草。杯外荷香起
白田。欲吸百川逃畏暑。風流誰續酒人錢。

夏日飲陳文學池亭

水心亭子芰荷香。楊柳風多枕簟涼。戶外不知飛赤
日。席邊隨意濯滄浪。冰桃雪藕金盤冷。玉井銀瓶露
滴香。

綆長客至莫勞投轄飲。已拚連夜醉壺觴。

絳桃

庭中數本絳桃花。手種丁今幾歲華。濯錦江邊裁茜
錦。綉紗溪上剪春紗。難分火樹元宵夜。漫道珊瑚衛
尉家。宴爾况邀紅拂妓。宛然相對赤城霞。

仲春感興

二月春光半海涯。薄寒清冷弄年華。初鶯出谷嬌無
語。殘雪封條暈有花。山寺欲收雲外屨。晴湖堪放鏡
中槎。人生對景須行樂。莫遣東風咽暮笳。

登嘗明菴樓

落日高臺翠欲沉，不將衰骨倦登臨。
悠悠萬里懸雙眼，寂寂千峰携一琴。
僧指片湖林外見，客談幽逕蚤來尋。
數聲羌笛寒郊送，憔悴憑欄自古今。

登太白樓懷李純卿

酒人名跡傍高城，濟上風烟空復情。
傲世濁尊聊獨酌，可懷明月向誰傾。
茲樓翻恨非吾土，勝地嘗思對李生。
蝦菜淮南春已遍，不知何處醉啼鶯。

許文學錦帶花

花名錦帶裊腰肢，掩映房櫳媚玉卮。
莫道鄭公題徑艸，翻憐織女弄機絲。
飄飄粉膩春風後，濯濯紅香暮雨時。
未許苔階零落盡，主人終日伴吟詩。

如臯蘇方伯祠堂

羔羊如見素絲風，溪上新開十畝宮。
壁畫東山携客處，鼎書南伐出師功。
高城化鶴秋雲白，古柏啼鳥晚燭紅。
千載精靈元不爽，名家應繼五花驄。

秋日瓜洲言懷

獻賦無媒志未酬，徘徊江上酒人樓。
深山苔霧埋玄

孔夫子賦秋
神其可也

想

秋○水○蘆○花○開○白○鷗○自○信○文○章○還○有○價○生○憎○日○月○去
如○流○古○來○措○大○名○成○晚○珍○重○吾○珠○莫○暗○投

秋村值雨

夜○半○風○騎○雨○拍○村○曉○來○溪○水○漲○新○痕○寒○鴉○布○羽○窺○烟
突○秋○蚓○蟠○泥○隘○土○門○占○事○老○農○違○燥○濕○尋○源○稚○子○別
清○渾○朝○暎○不○放○舒○吾○眼○曳○曳○雲○旗○愁○爾○翻

木塔寺與大耳比丘坐梅樹下

老○僧○頭○白○白○于○霜○老○梅○無○花○葉○亦○香○沽○酒○遠○村○不○嫌
薄○烹○魚○此○溪○何○必○魴○細○草○漫○皆○經○雨○亂○古○藤○垂○戶○蔭

雲○涼○真○堪○一○日○是○兩○日○况○向○空○門○意○味○長

全雉阜冒伯磨宿興教寺送之東萊

京○華○數○載○斷○飛○鴻○一○夕○烟○霜○古○寺○同○別○後○楚○弓○吾○未
得○向○來○齊○瑟○子○逾○工○思○鱸○正○喜○還○江○左○跨○馬○寧○知○遂
首○東○此○去○蓬○萊○應○咫○尺○有○無○波○際○起○長○風

訪吳陵張駕部時值獵回

十○載○真○馳○傲○史○名○一○麾○江○海○罷○專○城○屬○車○仍○用○携○三
篋○彩○筆○徒○勞○賦○二○京○喜○鵲○湖○邊○閑○射○雁○銅○駝○嶺○上○醉
呼○鷹○東○遊○不○識○張○司○馬○虛○向○吳○陵○撥○棹○行

留別邗上友人

十扣花關九見君。天涯把臂意何勤。後來交誼如醇酒。老去光陰似夕曛。愛客醉留玄髮字。呼兒踈誦錦心文。那堪歲晏摧離別。惆悵西風海雁群。

疇海陵凌海翁中丞

白髮中丞氣自豪。蒼生空望屬虞臯。心違捧日江潭上。學詣談天碣石高。浮世勲華元夢鹿。名山杯酒足持螯。却慚野志無軒冕。把贈何須解佩刀。

訪陳南寧右河公

海陵城下紫魚樵。謁刺南邕太守家。步近小山叢桂樹。人傳東閣有梅花。占星自許攀威鳳。投轄寧希散晚鴉。十載神交驚彩筆。始從芝宇覲明霞。

贈陸掌故

滄浪有意濯塵纓。濁世難高孺子名。華髮半因讒杵落。壯懷都向酒杯傾。春風淡漠吹荒草。喬木陰森接晚晴。楚國談經尊陸賈。欲窺蒼佩事先生。

范參軍席上贈豫章萬養恬

野寺無人過逆旅。春風咫尺得王孫。方嗟久別西江

水何幸嘗同北海尊。綠綺一彈憐鳳調。緇衣三改寄
漁村。看君磊落終奇士。邂逅無忘范叔門。

吳陵過自足園題贈陳邕州

西園借隱鹿門仙。此地逍遙可駐年。萬竹秋陰三徑
月。白花春氣四時天。觀魚屢息池邊樹。省稼嘗行郭
裏田。暇日相過陪杖屨。幾人持和白雲篇。

將遠遊承凌中丞見招復留任臘奉和

將飛野鶴下平蕪。豈愛樊籠受一呼。雲壑志存期矯
翼。稻梁恩在可捐軀。吳佩易失知名士。邱雪難磨貞子

大夫暫向浣花勞。枉駕春來重擬泛江湖。

送朱山人綸謁人不遇復之崇川

孤槎羨爾浮秋水。按劍愁人失夜光。公子只知三讓
左。書生誰解百金裝。淮南桂樹多招隱。海上蓬萊可
望洋。無限冥搜君自足。倘因波羽寄漁郎。

廣陵舊聞外簡下文學東旭

蕭蕭舊雨連今雨。擾擾庖人更廩人。客舍歌魚吾未
乏。花關窺豹爾誰親。樓當廢院鶯聲早。路轉平山草
色新。有約不來春欲去。揚州空怨獨遊身。

贈湖上范二翁

乞得西湖抽玉簪，菟裘花月稱閒心。
爲官祇載支機石，結客嘗分賣劍金。
吉了夢殘蠻作語，夷辛憂春近雪成林。
東山酒伴從君飲，倒屣逢迎笑不禁。

月夜行吟簡朱山人

僑栖形水隔重城，明月淒涼軫旅情。
何不共眠携一棹，直須孤味到三更。
窻鳴落葉時時聽，燭剪輕花細細生。
俱客此邦猶兩地，漫言湖海是同聲。

送太宰楊公致仕侍其母太夫人還山東

正訝山公啓事稀，誰知疏傳宦情微。
九重聖主容臣去，千里尚書御母歸。
大海晴霞騎禁履，東山春日掛朝衣。
黃金不_乏爲_寶，先入桃花錦樹圍。

寄懷淮陰蔡安里

公子蕭蕭兩鬢華，冰心雪句傲烟霞。
尚書西第難旋馬，太守東園好種瓜。
自倚夔梧爲世寶，何須結綬向人誇。
別來幾度秋林落，苦憶山陽舊酒家。

春日楚黃逢李參軍玄朗之貴州憲幕

楊柳垂垂山館春，楚雲爲雨駐車塵。
君行萬里趨蠻

府。我向三江別故人。龍里北來天馬健。武陵西去鶴
鳩頻。莫愁微步無知己。爭識淮南舊錦茵。

叔父仕楚宴李玄朗于赤壁席上作

散騎孤帆兩地來。天涯聚首亦奇哉。休嗟遠宦五千
里。且共名山三百杯。咄咄步兵沉醉態。翩翩公子謫
仙才。阿咸踪跡如萍梗。別後飄零總自猜。

東廳撥悶呈叔父

無事齊安簿領衙。春風何處望天涯。經過二水
月。開落桃花與杏花。晝榻夢醒殘榭馬。雨窗

墻。蛙公餘濁酒呼相對。惡說東遊海上槎。

金陵遇劉孝廉弢伯

春風一別海濤烟。楚樹吳雲隔兩年。邂逅客中何草
草。飛騰足下太僂僂。輕裘笑脫當墟飲。散髮狂呼濡
墨顛。月落秦淮猶把臂。鳳城宮闕轉蒼然。

渡延令江過洲上訪友

片帆輕剪半江平。十里蒹葭^訪友生。問到漁家山下
任。約來僧伴竹邊行。寒潮盡落溪流淺。秋霧纔收野
市晴。鷄犬自成村一曲。有人籬落笑相迎。

薄暮同李阮臺泛城北海子

城隅一水淨秋襟。苑外孤臺歛暮陰。官舫慢移鳧渚，
瀾如墻低度雁雲深。漢陂詞賦無如古，赤壁風流已
至今。興盡百杯還洗盞，賞心佳月出東林。

吳陵早春日陳樓話別次莆田余邦彥韻

共向江天把一杯。水樓虛牖傍城開。經年古堞浮雲
過，到晚澄潭好月來。閩海路長從汗漫，陽山家近足
裴徊。看君多少臨歧意，併入東南鼓角哀。

吳陵留別鄞山汪正之

邂逅誰能爲地主。浮沉爾亦在天涯。悲歌結客沽春
酒，清興留人到暮鴉。別去共看千里月，重來多隔一
年花。憐君復向荒城入，惆悵東風海上槎。

秦郵贈陸丈長庚

浪跡何緣幸一親。飄飄同醉覆盃春。半生岐路悲稽
阮，先輩文章屬鳳麟。刻意子虛終抱璞，回頭滄海倏
揚塵。知君新築邗溝上，東壁餘光可借人。

旅舍哭三

追尋笑緒莫重論。旅服因君積泪痕。舍下雁行嗟我

老夢中姜被與誰溫。遺文落落收縫掖。殘夜依依念
鶴原。回首隸不樂處。酒壚經雨濕。墻根。

冬日過吳陵劉別駕念陽草堂

正爾華遷隨解綬。何人黑髮肯抽簪。携來野雀供清
隱。閒立梅花比素心。架上五千知秘記。懷中十九費
長吟。多君不謝擔簦客。擬對玄言雪滿林。

豫章蔡公遷南吏部召入北京爲太冢宰時人
爲歐陽卜彈冠之慶賦此奉贈

玉樹翩翩畫省郎。陪京無事靜焚香。青山曉對蒼龍

雨。綠水晴浮朱雀航。汲黯豈宜違輦轂。陶潛終不借
江鄉。春來藻鏡披雲入。會見追飛鶴鷺行。

途值宗傅岩先生賦贈

雲泥相隔廿年餘。大道欣逢長者車。高義豈煩紆後
騎。清塵久立問前魚。梅花水部香非淺。明月揚州玉
不如。衰白莫酬傾蓋意。題詩聊扣卧遊居。

送翁明府之南北部

七年爲政兩淮。百里聞歌五袴聲。楚岸盡栽彭澤
柳。海天都復汶陽湄。西曹妙選神仙令。南國難忘父

母情。邗上不堪秋雨別。相思長望石頭城。

七夕

犢鼻方收散。冥烟淡雲微。月草堂前人。閒萬事無餘。
巧天上。雙星莫浪傳。蟋蟀乍鳴砧杵冷。芙蓉未老露
華鮮。飛來禿鵲爾何苦。蒼漢茫茫詎可填。

仲夏蒼水弟攜具過我

愛汝頻携碧玉卮。蒼園難比謝家池。山林最喜心無
事。宦學相看鬢已絲。薜荔暗生涼雨入。紫泥別過畫
陰遲。天倫樂事從來好。弟勸兄酬醉不支。

初秋東漂泛舟

天末涼風吹葛冠。中流漾楫勝驂鸞。洪爐畏景回頭
歇。蒼狗浮雲着眼看。秋水欲生魚縱壑。蓮花乍落鷺
移灘。呼兒稔載鷗鷺酒。海月仍貪此夕寒。

立秋日沙溝羽人樓上作

雲樹依依川上樓。楚天空濶暫消憂。驚秋一葉當窻
下。注海諸溪傍檻流。風雨坐來思合劍。煙波望處待
歸舟。憑君莫話長生訣。只恐長生長是愁。

延令送周明野之廣陵別業

歲暮移家意頗婁。竹林遙在廣陵西。雲迷故國孤鴻影。雪落平沙蹠跡。三徑尚餘花好在。千金還有劍堪攜。他鄉正直思歸日。轉見王孫別舊谿。

冬日訪覺禪師

蕭然夏臘一蒲團。不愧彌天釋道安。佛法甚深能了義。凡心都盡只隨緣。松門雪落空花繞。石鼎香消古殿寒。屢扣洪鐘無所說。恒河沙界轉漫漫。

秋日吳陵登望海樓兼眺凌氏別業

海上孤城百尺樓。美哉形勝冠南州。秦游汗漫驅殘

跡。蒼茫指故流。薄暮不勝懷古恨。登高空積望鄉愁。旌干嫋嫋秋雲捲。映帶中丞杜若洲。

秋日宿秦涇陳羽人山房

江鄉斜日片帆歸。問宿山家意不違。六郡簡兵村社斷。三農負耒稻苗稀。魚龍澤國深深卧。雁鷺湖天肅肅飛。相對黃冠話寒夜。久要烟水一蓑衣。

寄懷尚寶李老伯登泰山

使節遙臨東岱。千盤飛磴豈難攀。天門想覺風雲下。帝所方知宇宙間。鬱鬱秦松封最古。蕭蕭吳練望

非難漢臣遊戲青皇側。身世從來近聖顏。

洲上

跌坐平坡芳草窩。覓來村酒興如何。漁罾下上春流淺。賈舶東西晚炤多。却笑買山饒白髮。誰知履舄尚洪波。人間萬事俄桑海。且向江頭學醉歌。

苦雨

累月淫霖勢未休。驕雲猶挾白龍遊。兩崖牛馬秋河沒。萬井蓬蒿夕炤收。澤國莫須沈大陸。草堂終是泛虛舟。安能奮翼辭卑濕。便欲乘槎問斗牛。

秋夜和南屏上人思歸健爲

正與高僧話昔遊。忽驚明月到牀頭。邗江不住孤雲倦。蜀道翻輕萬里愁。金錫夢中飛故國。芒屨秋盡踏斷舟。他時儻遂三峨去。空怨名山老惠休。

徐民上先生集卷之四

廣陵徐來復改之父著

後學李長順天助父較
男 獻科十夫父編

七言律

立秋夕泊舟石頭

向夕新涼驚一夜。出都清曠坐孤舟。月明潮上家家
雨歇蟬聲樹樹秋。鄉思偶同鷗鳥夢。野心難繫帝
王州。空憐嘯咏無人覺。惆悵江山舊酒樓。
至日同彭山人飲揚州法海寺



至日喧遲野步。偶尋初地慶得交歡。同雲遂卜三冬
美。汴水猶餘一線寒。早歲梅開何處覓。異鄉杯到莫
辭乾。留連暮角高城發。酒盡空山去處難。

贈崇仁吳孝廉湘華枉顧寺舍

彈鋏歸來僧舍幽。嚶鳴何意友相求。山人累月頻中
聖。季子觀風據上游。遂有新知聯舊雨。敢將虫臂望
龍頭。豫章信足明堂業。媿爾江湖一釣舟。

秋日寄懷留都張比部

翩翩鴻雁度江城。數字因之問帝京。丹鳳闕高瞻曙
色。白雲司冷聽秋聲。百年叢桂堪吾老。十載緋袍豈
世情。聞道比來宣室召。兩都詞賦本縱橫。

寄懷周參戎景雲

別時輕絮逐歸旄。旋見秋風換柳條。幕下久推周振
武。軍中不數漢嫖姚。清淮月落吟懷壯。沙漠霜飛
陣驍。文苑將壇俱競爽。早麾精甲

鴻所劉兄招飲

鳳城新奏曉鶯聲。楊柳隈垂艸怒生。客裏歌魚還孺
子。牀頭漉酒是公榮。三春玉樹高寒色。廿載紗袍縹

卷情再訂歡遊南陌好。杏花風雨近清明。

贈妓馬玉

放誕風流不可當。名姬空說杜韋娘。素娥未肯凡心盡。紅線從來俠骨香。謾乞金錢昇襪祿。故拋銀杏打鴛鴦。江都廿四橋頭月。夜靜清歌欲斷腸。

寄贈潁州謝長史

吳興山水鬱清真。秀拔君才美箭倫。郡國風塵騎馬瘦。官曹祿食念珠貧。三臺舊選蓮花幕。四目難知蠅虱臣。未識英標名噪耳。恩波終欲化龍鱗。

楊明府奏最馳封

中堂迎養舞衣寬。百里行春露冕寒。民阜實增新戶口。官貧不厭舊儒酸。朝雲奕奕浮仙舄。瑞日翩翩下彩鸞。何用遠侔彭澤宰。併將歐李一途看。

秋日村居寄懷余幼愧

首夏別兄河之干。此時河水秋漫漫。人生熱腸便縮地。吾將冷眼從跳丸。側弁詩成鴻雁過。開軒稻了水雲寬。音塵不必數聞問。塔下新竹都平安。

辛亥九日東庄與二侄飲酒述懷

深村重九正徘徊。小阮從何得酒來。天氣最宜今日
好。菊花空說滿城開。蕭條一水龍津渡。悵望三江鹿
女臺。白髮喜同秋鬪健。陶然不放手中杯。

和潘文學登金山讀鄙碣寄懷

風濤不已倦登臨。廿載山盟似可尋。潘岳賦成傳片
玉。裴陀庵在問遺金。孤根砥柱蟠龍窟。大壑奔流白
古今。昔日狂吟書斷石。千年未許宿苔侵。

冬夜史述經携具寶公寺

盎然杯酒拂行塵。永夜圍爐笑語真。岐路風霜何足
問。貧交意氣轉相親。湖頭驚雁防違性。水下神魚畏
損鱗。知爾壯心端不折。歲寒勁節有松筠。

孟春吳陵觀音菴留汪薛二子

青錢儼舸繫河隈。三宿禪菴滯酒杯。孤塔乍迎南雪
霽。片帆難逆北風開。汪倫送我桃花水。薛稷留人鳳
羽才。揮手莫生岐路恨。兩鄉相望去還來。

元日大雪簡李客星時將之建業

菲齋飛雪阻歡招。擁褐微吟苦寂寥。殘臘幾年仍在
屢。新花含凍尚封條。青鞵擬辦長干寺。彩筆慵題萬

里橋強欲留君度元夕。并州行色動春糖。

贈別玉垣李父母

李白才高供奉名。先分百里寄蒼生。江花比屋當春
麗。淮水穿城徹底清。謁帝丹鳧天北極。作人黃絹
漢西京。彈琴拔薤俱遊刃。野老悠然起頌聲。

送湯養侶師之任南康

天涯師弟愴離顏。千里雲帆不可扳。霧散匡峯開氣
象。灘高賴水泝潺湲。馴雞稚子歡相待。種樹仙郎豈
未班。到日尺書應寄問。梅花如雪滿江關。

客有還金瘞幣者二詩以美之

凌晨阿堵燦河干。塵視心期管幼安。莊鹿白疑莊夢
幻。楚弓吾得楚人酸。冰霜節操逢偏易。風雨啼號欲
見難。一旦璧完寧是德。海西應築却金壇。

又

亭毒誰調肯氣侵。烏鳶何幸嘯荒林。返魂漢帝原無
藥。澤骨姬昌別有心。丹壑藏舟衰草遠。青山埋骨白
楊深。名馨碩美收醇史。馬鬣榮封自古今。

贈顧伎亭亭

美人家住鳳凰臺。兩槳隨潮泛艇來。江上行雲春裊裊。尊前明月白皚皚。禾新稚齒能翻曲。蘇小當年解愛才。我亦青樓名薄倖。金釵休笑玉山頽。

春日寄袁非馬讀書虎丘寺

擔簦千里志玄探。海湧山前借一巖。不倚馬群空冀北。更求鸞友過江南。石頭解亦文心解。劍氣酣如筆陣酣。吾道揣摩今已就。雙魚好寄碧雲藍。

喜李組修自越中歸賦寄

汗漫江天客思悠。名山都向一囊收。看碑石上逢蓬嶽。羅酒燈前說剡緱。始信候生能上座。須知李白載扁舟。歸來不倦登臨興。更擬他年五岳遊。

贈繼冲何子

何遜東遊歷海濱。禁方隨處起癘癘。五禽游戲通玄牝。七發高談勝上池。衡岳異人曾授秘。蓬萊真境要探奇。相看不似懸壺侶。漫說蒼龍佩陸離。

奉賀岳父思翁八十

翁自水清百丈寒。予非玉潤半衾單。纏綿更結他生果。髮鍊如餐不老丹。玩世每勞投客轄。逃名莫可進

賢冠鳩筇不事殊強健笑看孫枝舞繡爛

贈張爾符

劍佩翩翩車馬間少年詞客振江關
發精爾自沉三雅按藻誰能見一斑
篋玩有奇元白璧春遊無處不青山
枚陳豈盡文章輩節俠風流更可攀

清明日簡爾符

寒食瀟然擁敝裘滿城風雨妬春遊
花飛謝墅飄俱盡木過雷塘咽不流
客舍有時三擊鉢天涯何處一登樓
深杯無那清狂興只與張衡賦四愁

春日燕都送太學潘崑柱南回

長安道上白雲神金馬門前雪鬢絲
流落十年悲在客蒼茫千里送歸思
含情蒨柳臨岐折回首宮雲去殿遲
聖主籍田應獻賦未容潘岳老荆溪

送沙克吾棄官歸彭城

千仞高風拂素秋先生歸興動蘭舟
除書可待飄然去卧轍雖堅不肯留
紫菊開時還白社青山多處上黃樓
龍門砥柱橫今古烟海茫茫正急流

清明呈李純卿昆季

金臺兒女競芳春。柳葉桃枝亦苦辛。御苑不勤傳火使，寒郊猶有乞漿人。他鄉涕淚愁中盡，故國枌榆夢裏真。骨肉暫依諸表弟，酒杯相對慰沾巾。

花朝前一日與徐性之諸友訂叢桂社

江城風雨近花辰。好鳥枝頭喚友頻。大雅敢圖千載業，清尊莫負百年身。乾坤意氣憑吾黨，山水音徽合有神。把臂入林非漫興，褊袍應念故人貧。

壽邑侯母夫人

峨眉雪色錦江融。秀毓高堂壽愷同。鏡裏地行仙影

合塵中天健馬空。群鸞書早度千山。月鶴骨能支萬里風。葉縣煉成丹竈術，兕觥雙獻玉顏紅。

贈別體敬師

早年風義托鴻聲。首宿高齋更結盟。司牧一方勤茂宰，談經此日別諸生。芙蓉渡口星初入，瑞露軒前鳥正輕。世路漸分南北遠，江湖無地不開情。

送周明野之京謁選

馬首燕臺羨此行。關河千里劍裝輕。雄談蓋世自竒嘯，羽獵當年誰大名。北道風雲開末路，東曹水陸待

先鳴褒然遇合掄佳郡有嶰寧志寄友生

用韻和馬司隸海棠詩

春晝盈盈花若眠不燒高燭炤相鮮紅粧肯避金吾
馬粉氣偏偷公子遊欲待雨中看綽約忍教風裏落
芳研昌南却笑淵才俗未識真香紫玉仙

贈天寧寺藏養賢上人

早歲逢師俠少塲于今那復問高陽三車妙義真能
說十笏精廬不可量塔下古碑光隱隱殿頭奇樹色
蒼蒼風塵未解邯鄲夢雅羨松門興味長

途中遇雪懷吳蔭源

渤海風高霰雪陰春寒愁渡濁河深蕭條寶劍千金
色珍重綈袍萬里心西日半開明遠道北沙遙起失
平林此時季子空相憶歸雁應傳別後音

送李客星之建業

一舸東風向石頭雪梅烟柳正春柔高樓貰酒尋孫
楚近郭移舟喚莫愁垂老弟兄難蹙別放懷山水不
同遊六朝舊事應無限好拾奚囊寄唱酬

得劉忠孕登第之作

南望潭湖隔幾灣。好音前度到花關。傳經舊閣志藜
在。獻賦新郎畫省閒。萬里雲霄隨北斗。一時橋梓象
南山。芝封不盡平生事。自許公車鬢未班。

寄懷劉忠孕登第後還里省親時尊人領金壇

博士

詔許承歡着彩衣。晝遊那肯耀輕肥。更生經學術逢時
早。公幹詞名盡代稀。玉珮趨朝惶魏闕。金壇觀又觀戀
春暉。多君雅念通家誼。昨遣飛鴻過釣磯。

劉司農過訪光孝蘭若

禪林阻暑足音稀。忽報高軒掃竹扉。千古詞盟神自
合。五年萍跡夢相依。愁聞白羽馳江國。喜共青山坐
夕暉。畏此簡書將遠別。盍簪嘗遣寸心違。

又

久濶淪心白晝長。披襟何事不清狂。涼風且對公榮
飲。舊雨難逢杜甫堂。園果摘來饒玉露。海榴開後綴
珠房。人生豈必如麋鹿。把酒淹留到夕陽。

文選樓與陸孝廉雨坐

春雨同淹古竹西。上方鍾磬下方雞。梅花笛管家家

呀楊柳樓臺處處迷。談笑一時忘爾我。行藏他日各
雲泥。陸機詞賦吾所羨。斗酒黃魚且爲攜。

仲夏鄭昆明招赴溪亭雅集

負廊軒堂事事清。水雲多處足怡情。蕉舍雪竇開鸞
鏡。竹壓芸窗曳鳳笙。樂境自知餘俯仰。幽蹊尤覺少
逢迎。康城莫戀蒹葭地。遲爾宮花萬樹明。

上巳登城臺臨河祓禊奉和體敬師

載筆還城紀勝遊。海天雲物一囊收。桃花醉眼紅藏
塢。楊柳含情綠滿洲。但使冉與共執御。總無顏悴不

關愁。臨河修禊誠佳事。祇媿陽春未易酬。

秋日延之侄携具過庄上

我弟傳經萬里天。携家予亦共行旃。當年總角看君
秀。此日于菟識爾賢。佩玩肯捐棋墅外。琅玕只在竹
林邊。步兵不了壺觴事。時與新詩乞酒錢。

李組修回自焦山奉訊

君入焦峰任道時。舊遊蘿逕長新枝。千秋蔓草鑽丹
石。五月淡江瘞鶴碑。浪跡便浮滄海去。幽期真與白
雲知。歸來愛說松寥閣。一榻濃陰透夢思。

冬夜王德仲携具過周兒別業

隔籬相喚夜燈瑩。客有青絲繫玉瓶。萬壑冰霜人對
榻。一簾松雪月當庭。知予避世惟長醉。愛爾逃禪故
獨醒。酒_後放歌真裂石。周郎何用顧沉冥。

遲劉忠孕北還

憑軾何時出漢關。道傍春草喚愁顏。情依日月雲中
路。指東南海上山。乍剖明珠驚俗眼。終須駿馬入
天關。因過橋樹欣相待。屢握刀頭白玉環。
携兒赴試江陰迴棹口號

浦口風生欲上潮。杜康橋畔覓歸樵。文章爾輩翻新
調。書劍予今返舊樵。鷗鳥避船移浦奧。龍鱗拖雨過
江遙。天涯別意多清曠。步步青山贈柳條。

贈馮尉君

翩翩持檝下燕臺。蓮幕東風潤草萊。須信馮驩爲上
客。方知梅福有仙才。青山雅調琴中合。白雪新詞署
裏裁。暫借一籌滄海曲。春蘭秋菊應時開。

霰夕同王美浮初集梁玄升青來軒賦得秋字
梁園霏雪已千秋。此夕瑤房美宴遊。下榻論交悲孺

子。扁舟乘興愛王猷。飄飄滿徑沾飛絮。颯颯虛堂響
瀑流。更擬明朝探春信。梅花應遍蜀崗頭。

東阜贈張子

溪上蓬門仲蔚開。逢迎倒屣故人來。總無貧賤騎人
色。况有文章妙世才。青眼欲舒江畔柳。素心何謝雪
邊梅。連朝繫舸非關事。但爲陽春撥棹迴。

秋日寄懷上元陳明府

赤縣新秋束帶寬。案頭山色滿長干。江東吏隱推
省白。下賢勞屬宰官。列宿入依三殿側。雙鳧飛

雲端。思君欲發南圖棹。投轄寧憂旅食難。

秋日承帶河先生枉顧

先生高不仕之
志未句及之

經過不厭蕨薇殮。共坐蕭齋燭影殘。羽獵早知才子
賦。鴟羹聊盡主人歡。巖花半落天風曠。薜荔空生夜
雨寒。高卧何須卧滄海。漢家多有露華盤。

雪夜曾兄携伎招飲

葯房清冷月華明。公子邀歡逸興生。齒頰溫柔歌若
玉。精神飛動飲如鯨。山中叢桂元非樹。世外佳人別
有情。深夜莫須窮勝事。聞雞吾自舞青萍。

小意意林道
山明近自好

思以莫作那
松安

貴州秋興八首

萬曆庚子

孤城叢爾萬峰頭。雲氣虛明白粉樓。幾處羌戈揮落日。數聲番管入清秋。黔陽莫有揚州鶴。赤水難容渤海鷗。一夜關山飛木葉。悲哉無限古今愁。

又

玄鳥回歸愿已違。漫將秋興寄山扉。涼風嫋嫋竹枝瘦。薄雨沾沾菊蕊稀。徼外干戈成獨嘯。天涯骨肉暫相依。謝家兄弟如鴻鴈。他日雲泥各自飛。

又

藏甲岩邊百草萋。養龍坑外柳枝低。封疆侯吏朝牽馬。井絡歸~~興~~夜聽雞。豈料七旬開玉燭。任教雙鬢滯彫題。秋鷹又下行時令。且遣偏師向白泥。大慈既獲欲搜遺醜

又

野堂深柳夾雙湖。積水明霞景自殊。波上鴛鴦追羽翼。雨中鴻雁避菰蒲。漁郎潑刺舡頭過。稻叟支離酒後扶。回首十年成黑髮。飄零無計問樵蘇。別業在勝湖之南

又

詔止黃金使者來。似憐歐脫竅難開。漫山駭鹿愁兵

燹失木窮猿泣草萊。綸緯忽收明舜印。貂鎬蒼定何事弄舉

黔雷千村蕩落皆如洗。聞道中原更可哀。天下皆有

免黔中

又

漢主求仙建栢梁。萬靈風雨護千章。高玄殿裏松臺

古。太液池邊桂楫香。露濕兩階瞻舞羽。日升雙闕望

垂裳。黔南大木空山下。邪許關心西宮又營

又

漫說淮南八月濤。更辜溪上九秋螯。空將藥物供多

病。暫借雲山引濁醪。白髮雕蟲非我事。紫茸屠狗是

吾曹。東飛健羨長風翼。萬里秋空首重搔。


又

天險難登白錦城。消沉誰與弔遺名。郅支死向蠻王

邸。花蕊生歸漢將營。玉粒養鸚巢野樹。金牌觸鹿走

荒坪。西風日夜吹殘壘。珍重羅施鬼國兵。時有播

徐民上先生集卷之四 終



徐民上先生集卷之五

廣陵徐來復改之父著

後學李長順人助父較
男 獻科十夫父編

五言絕句

汝陰南原十景和張夫子韻

濯纓處

臨流濯屣纓。濯濯還復止。吾因愛吾纓。吾尤愛此水。

振衣岡

天風吹我衣。飄飄欲死仙去。改服丹霞裳。帝鄉在何處。

桃源

桃花炤流水。自矜顏色艷。恐負秦人恩。怕與漁郎見。

槐徑

古槐車蓋形。濃陰蔽游騎。欲知種樹翁。九世張公藝。

梧井

秋桐覆井欄。密葉翠相參。遮却明蟾影。不使落寒澗。

柳橋

搖曳黃金枝。何須怨別離。歸來駟馬水。外度旌旗。

嘯臺

偶爾臨高臺。川原萬里開。蘇門已陳迹。孤嘯亦悠哉。

醉亭

麴孽養幽姿。啣杯倒接羅。不知亭外樹。幾處有黃鸝。

漁磯

水底白雲寒。霜前碧荻乾。子心非釣鯉。此處偶垂竿。

牧壠

西陵春雨歇。草色上朝暉。相國今虛位。吾牛亦已肥。

上元後夜

昨夕觀燈罷。今宵對月明。東隣情不厭。猶媿玉簫聲。

采蓮曲

溪女擬芳蓮。雲汀漾畫舫。紅顏都似水。相向鏡中憐。

銅陵遇雨

脫渡銅陵雨。淒迷水數灣。空吟李白句。不見五松山。

池陽

移棹問秋浦。山川今是非。白猿何處叫。白鵝何處飛。

石首阻雨讀汪明府練溪集

龍蓋飛朝雨。烏臺停暮雲。客中餘寸隙。漫學繡林文。

白霧洞

白霧無時散。巉巖不可攀。却疑飛靄裏。定有豹文斑。

早秋旅懷

白露下幽草。西風吹古堂。緘締猶可御。客意早生涼。

海上送人

聚首愁分首。布帆何處開。知君留戀意。迢遞暮潮來。

黃金臺

拂衣辭帝國。獨上黃金臺。笑看天下士。爭持黃金來。

舟中

昨日潞河船。風波聚一處。朝來州水平。各自東西去。

爲友人賦得四清事

抱桐過野澗。偶與泉石會。欣然坐一彈。泠泠古味

又

噉噉閒可奕。坐隱聊免俗。落子收奇功。返炤入殘局。

又

書固一小技。古人工臨池。平生得意處。徃徃人不知。

又

良工妙丹青。幾人稱好手。滿壁畫飛龍。曾見真龍否。

村居書事

燈花如有意。玉穗吐葳蕤。爲報高軒過。山家雞黍肥。

七言絕句

拱極臺感懷

武陵胡公
順華所築

洞口平臺挿碧波。城頭高閣倚星河。悠然俯仰無今古。石上青苔字不磨。

又

百雉迴環依北極。八窓虛殿進南薰。無如此地樓臺好。皂蓋來遊胡使君。

廣陵秋望

吳淞池臺煬帝宮不知何處問遺風秋原一帶荒崗
逸野寺惟餘霜葉紅

元夕寓天王寺

逆旅蕭蕭惱客魂寒鴉枯木語黃昏星橋遠渡誰家
曲古寺無燈雪打門

秋夜金山妙高臺玩月

手摘星辰足踏濤天風吹我上金鰲夜深兩岸浮烟
霧長一壺看月高

湖上大雨舟中作

長風捲浪片帆孤閃爍魚龍勢可呼萬里雲光散墨
海一時波面跳真珠

送從心之廬山

貧僧別我向廬山雲水天涯只尺間瓢笠不容長
物空攜明月伴離顏

剪秋羅

池上荷花著已殘澤中蘭佩采將難秋羅却爲誰裁
剪應念山人白半鬢

題武林鄭姬如英寫折柳枝贈轉生

此年不雨
下瓜不雨

國家圖書館, NATIONAL CENTRAL LIBRARY, TAIWAN, R.O.C.

折柳西湖贈別離。水綃半幅寫新枝。王孫舊看同衰
草。一上章臺十二時。

題畫菜

誰將班翰代耨耜。幻出青絲玉露餘。最愛風流宗吏
部。能吟聽雨長春蔬。

題畫蘿蔔

落盡秋霜圃味饒。田家如獲美瓊瑤。曾經西域僧
識。小麥青青莫漫驕。

庚子春貴州出師征播鏡歌八首

既歌大是

二月王師出貴陽。萬花春谷映壺漿。長驅直渡桃溪
水。痛飲諸軍李白堂。李白流夜郎有堂尚存

又

戰鼓騰騰畫角雄。黔兵飛出閣鴉東。繇他蜀將從天
下。還讓汾陽第一功。閣名閣鴉。晉師天雄。李公自重慶入播。秦和郭公自貴州整

旅共精兵五十萬

又

軍容跋扈氣飛揚。汗馬如虹劔吐霜。一戰定擒羅阿
反。太呼生致夜郎王。賊將羅阿反。最梟勇

減王李

又

滇兵已過與兵摧藤甲瓊衫殺氣開倍道直趨三跳
哨總戎傳下令旗來三跳哨進 帥費路

又

護羌雙節渡牂牁軍令分明按堵過名自關西推轂
火法從橋下受書多益軍泰和揚泰 議華容張公

又

戎衣不換石榴裙犄角西南兩片雲玄女陣前奢撫
使靈姑鋒下鳳將軍二女將成統偏師水寧宜 撫奢世續水西

山莊
山莊
山莊

又

曾聞漢將事樓蘭却笑虞廷日舞干九伐堂堂今廟
勝先鋒一鼓下黃灘黃灘 關

又

陳湯智計早通神李廣驍雄更絕倫暫取狂報天
子敢邀高閣畫麒麟大將陳璘 李應祥

鏡歌六首和王泉憲公名 邢俊

雙懸日月炤龍堆千載風一旦汗馬星馳傳露
布軍中人羨子安和

一
二

又

崑崙一鼓更何難。冒刃先登鳥道寒。不用黃金求死士。早聞飛劍賜長安。

又

一夜奔雷驚海雲。萬山疎雨淨妖氛。峯頭洗出磨崖字。元是唐家白錦軍。

又

樹下誰知百戰身。論功還讓霍家親。漢京雲閣高如許。任與麒麟第幾人。

又

柳係戈船停甕火。竹連官騎入岩門。五十萬人齊奏凱。山川不改乾坤。

又

血染鯨鮓古佩刀。忽驚風雨夜深號。逢人慎勿輕投贈。猶有纜槍海上高。

讀大風歌

月中無事豈眠風濤在耳枕邊任意取一籍來古詩辨體載大風歌評是

帝王勃興氣象嗟乎信越既誅唯茅布自欲為帝向非肯長者發難而從高祖肯容其一夕解睡也猛士授首帝心愉快甚矣此歌之作當令不坊匿笑

淮南朝捷夕旋師。獵獵風吹龍虎旗。自喜四方無猛士。沛中歌舞樂群兒。

讀七子詩有感

乾坤吾黨薄浮榮。海內居然七子名。一曲陽春知寡和。千秋空好聊先生。

桃源洞

桃花源晉處士有記其文冲曩遠雅或疑處士不肯事二姓故托爲此說然與否與予以爲陶托之桃五柳先生之居托之桃花源鷄

鳴樹顛犬吠深巷托之秦人桑麻江州刺史托之武陵太守而嚼然不污之節托之避秦漁人者以况世之愚人也歟而未必然也夫神仙之事世所必有人不必遇遇必不識耳淵明非欺人者韓退之以爲荒唐過也予行自枉渚以南谿谷深秀風景清淑何莫非桃源也者及望綠蘿山竒峭以爲真桃源旣而非是然后從白馬渡飯桃川館訪至洞口時瀑水自石門飛流濺沫而下非冒險承濡幾

不可入予躡磴攀蘿至則群崎倚天修藤拂地而秦人之開閉矣洞門外有前人題識以隔深淵不可就視其中奇花異藥方竹怪樹不可名狀四顧沉寥頓消俗慮遂一酌泉水而出其所謂煉丹臺爛舟灘皆從指顧得之可稱冥搜也同遊者威甫觀察弟桃川一道士暨二猶子也

青山盡盡水磷磷數里烟霞頃刻存莫逐桃花尋洞中當年漁父是秦人

又

馬蹄踏破石門苔惆悵仙源瑣不開瀑布飛流千嶂合桃花寂寞一春猿

蠻訶 戊戌江中承東之有事于播揚 番二將失律以致喪師二萬餘

千山迢遞萬山遮昨日磨刀馬上誇何事要隨都護知牛場虎市不歸家

暮春齊安浮翠亭

開盡桐花客未還青鞋重上玉屏山欲知目斷東風外廿五長亭十八灣

雪中贈六如美人

梅花踏遍爲尋春。步入瑤臺會玉真。銅雀水寒幽思冷。高柳絮逼詩人。

再寄六如

辛卯採藥鑿江歲暮雪深逆旅人殊落漢客
有高陽者張具平康邀予賞雪至則六如別
館皆暉唯積窗戶皎然美人炙酒以待予時
止擁復陶高坐榻上友人浮白歡甚六如以
艷歌雅量參佐其間陽春滿屋風流概見矣

六如因出鵝溪索詩爲書一絕今不覺二載

六如因卞文學致八行于邗上云前詩爲好

事纂去復要予詩遂并錄前作寄之

青樓一別隔天涯。兩度春窻憶絳紗。尺素可題河畔草。寸心難寄陌頭花。

讀書園四時歌

東風日護蒨生帷。一寸春陰世所稀。指點梅花報芳信。安排柳汁染儒衣。

又

手營池館愛清虛。五月披襟興有餘。不爲荷香能醒酒。却欣蕉葉代抽書。

又

山中桂樹長青雲。籬畔黃花醉夕暉。晚節自來人共賞。清香合與月平分。

又

中庭地白竹爐紅。獨坐寒窗問朔風。端石漫烘書雪賦。宛然人在玉華宮。

春日郊遊書所見

繞屋新桃渡口香。一鞭輕絮馬蹄忙。羅裙帶雨懷春。如高帽折風游冶郎。

題蘭陰閣贈葉明府涇人

三重阿閣半簾陰。獨對西山碧玉簪。宓子時來彈古調。綺疏飛出鳳凰音。

花燭辭爲顧小侯作

雲門三奏樂聲頻。甲第雙星夜色新。玉鏡臺前乘鳳客。金雞帳下采蘋人。

贈空明

六時叅坐夜除眠。寂寞空堂老大顛。長醉一瓢無罣碍。知予不是小乘禪。

天寧寺贈筠居士

入禪林。苔徑幽。數株銀杏已千秋。歸裝不爲淹春雨。爲愛名僧十日留。

泛邵伯新河

新河平溜放扁舟。夾岸陰陰柳色柔。不畏全湖春浪險。一帆無恙到揚州。

春日秦郵阻雨

欲去不去江上樓。憐春望春天之涯無端逢着桃花雨。且就河干問酒家。

春日

一陣東風一陣寒。芭蕉長過石欄干。只消幾度鶯鶯醉。看得春光到牡丹。

極樂寺

白玉欄干古法堂。中官馳賜御爐香。雙垂瓔珞門前柳。知是天家選佛場。

真覺寺

百尺高臺引望孤。中天玉刻五浮屠。長風吹上滄溟
月。醉看摩尼弄寶珠。

大佛寺

叠石何殊西鷲嶺。栽松亦似小祇林。經聲忽出籐蘿
外。落日空山無處尋。

金臺夕照

黃金鬱鬱峙高丘。一駿千年骨尚留。聖主只今徵
異政。璽書端合下吳州。

山行四首

獨樹邊流泛影長。萬山經雨薦嵐光。山川自與琴心
合。何必調絃鼓鳳凰。

又

紅橋迢處響奔灘。石壁無梯萬仞寒。幽喚竒巒方岬
絕。花宮幻出翠林端。

又

松門寥落塔鈴清。行脚擔簦訪化城。此夜支公應下
榻。挑燈相對話無生。

又

山下孤亭慘水湄。憑欄歌坐夕陽移。故人夙有東籬約。片片歸帆處處疑。

鳳山

鳳凰山上鳳凰仙。鳳去山空跡自傳。丹壁若教春雨洗。依稀有字記唐年。

畫橋

一道飛泉注碧溪。兩岩春樹拂雲齊。危梁更向高林出。好是長空駕彩霓。

辰江夜泊

鬱鬱蒼山峽裏愁。可中明月照孤舟。平分此夕離人夢。半是揚州半貴州。

過燕子磯二首

呼來斗酒興騰騰。欲上烟嵐第幾層。何事燕磯違只尺。一時風利過金陵。

又

矯首孤亭千堞陰。布帆飛渡罷登臨。人生合有名山分。百尺蒼崖自古今。

烈洲

金陵三山之外有山卓立。波心曰烈洲。陸務觀記之。

素軒堂文集 卷之五
寂寥題咏少躋攀萬古烟雲艸木間亦向中流成砥
柱人間偏自說金山

馬當山

平生性僻耽山水險絕如斯莫欲班不有東風出層
浪教人難戀馬當山

望小孤

亭亭高髻鏡波空雨抹雲粧御晚風莫訝行人盡翹
首小姑名姓滿江東

鄂州

鼙鼓逢逢過武昌西風留住撥舡郎淮南處士無相
識鸚鵡洲邊吊夕陽

夏夜宿界亭驛

烏鳥短角送斜陽汗馬頻嘶悲路長瞥向山中聊拂
石高風一枕夢滄浪

早秋艇子上作

水淡溪深不染泥片帆吹過野塘西蓮花觸手紛紛
落鴻鴈驚人箇箇飛

呂公菴

石壇雙檜瑣寒烟。數尺虹梁小洞天。欲問神仙求大藥。白雲管護煉丹泉。

宿天王寺

一燈了了白蓮堂。萬慮沉沉子夜長。白晒前身爲五戒。往來風月愛禪房。

登大觀樓

憑欄盡日愛秋晴。隔岸千山草樹明。若過江南望江北。晚烟寒水蕩孤城。

幽州聞角

燕月偏傷逆旅魂。梅花吹落國西門。羅衣江盡無人見。寄與春閨認酒痕。

冬夜光孝寺

祇園飛雪灑寒燈。凍合關河路幾層。宿鳥不鳴簷樹冷。一爐松火對山僧。

安基寺

十笏精廬絕世氛。偶來林下愛閒雲。溪邊一道清涼水。洗硯嘗書貝葉文。

春遊感興

橋邊折去青楊柳。馬上琴來紅杏林。莫怪東風不相
惜。碧桃千樹鎖朱門。

廣陵雪夜飲伎宅

朔風冬日攪花愁。高駕鹽車粉市遊。十二樓中人似
玉。紅爐宵擁醉鄉侯。

雪中蕃釐觀訪友

水晶簾幙玉簷牙。雪滯揚州十萬家。自縱山陰原見
戴。一瓢春酒共瓊花。

答僧求書

不住銀山古佛壇。愛參雲水學行禪。逢余乞寫蓮華
偈。閒向孤松石上看。

題海上人墨牡丹二首

海師本是素心容。不作姚黃魏紫花。潑墨寫來成墨
本。有仍玄女鬢垂鴉。

又

當年李白召平臺。親寵揚妃捧硯來。泚筆一揮三百
首。至今花帶墨痕開。

雨夜贈伎

銀燭光殘酒半醺。羅襦香澤夜偏聞。通宵莫怪嗚秋雨。神女朝來弄楚雲。

贈錢孟醇

太守真馳好士名。王孫偏帶白鷗情。從他章服榮青紫。江上芰荷無數生。

春日友人邀飲別墅不赴

龍鍾却怪尋春懶。便有招呼亦倦隨。景物共誇楊子宅。風光自遠習家池。

贈水月禪月二白足

芳檀樹下偃荆扉。安坐蒲團已息機。入夜不知明月到。一泓池水受清輝。

又

病骨清寒百念消。紙窗明月夜迢迢。禪心已澄無人我。惟有梅花伴寂寥。

冬日光孝寺贈潘孝廉朝選歸江西

烟霧蒼蒼古殿寒。畫眉新月出林端。隔籬誰喚先生飲。楚國才人舊姓潘。

又

吳州寒夜擁天姬。司馬文君兩絕奇。白雪半帘沽酒
遠。陽春一曲和人稀。

又

關河凍合滯歸舟。一片歸心凍不流。天遣詞人嘗會
合。夜邀歌女暫淹留。

又

黃金消盡黑貂裘。莫向天涯嘆轉蓬。廬岳生靈
豹。彭湖歸去卧螭龍。

贈伎李綺雲

一片浮雲下楚天。當場能事總堪憐。新詩弱字還雄
飲。不獨男兒是摘仙。

太液晴波

御苑清涵絕點埃。千花如錦夾提闈。龍舟曉泛天顏
喜。中使傳呼李白來。

自雉皋還海陵曾生亦送至曾生西江人也嘉
其義而惜其才作二詩贈之

行李蕭條興不賒。春風相送柳條新。如君戀別同舟
去。誰道陽關少故人。

又
點爾何如綠駢才風塵落落氣雄哉知君一日堪千
里莫負黃金百尺臺

題鶴鵠圖

霜落平原展翼齊同時飲啄並枝栖世間兄弟真慚
如莫向田荆樹上啼

贈黃美人

尋嘗漫說花如笑座上誰知解語花一飲百杯君莫
厭古來難得醉吳娃

又

一見清容窈窕姬巫山不作夢中狂欲知老杜多豪
興詩裏佳人合姓黃

贈馬美人文蘭

掌中嬌舞榻寬裳障下清歌合遶梁漫道秦青來北
海果然飛燕在昭陽

又

花落花開日易曛爲雲爲雨夢難分千金買笑渾閒
事一曲離歌不可聞

又

青樓夾道出蕪城。明月家家醉鳳笙。試問歌喉誰第一。當年李白亦聞聲。

又

文弱芳蘭。姓字宜。無人不愛馬家姬。紅顏最惜風塵裏。金屋誰能借一枝。

和李組修丁巳元夕有感

江城絃管拂雲天。繡幕華燈徹夜懸。踏盡六街寒漏斷。朱門方啓泛膏筵。

又

競

巧裁珪璧競方圓。欲買良宵不論錢。遊女似花仍似月。春光如海復如年。

又

曲霓裳駕彩烟。維揚燈火說唐年。太平有象通寰宇。何必風光此地偏。

題畫贈蔡司馬

九陌黃塵拂玉鞍。武夷山色路漫漫。空齋一幅鵝溪絹。借得烟嵐幾處看。

偶寓埭上蕭寺張星芝怪予不過賦此簡謝
結髮論交三十年從君常乞酒人錢予今轉習王猷
癖猶問山陰訪戴船

又

嬾慢相尋禮法輕多時不過草玄亭須知對面成千
點浪說當年識季鷹

沅陵

風雨沅陵聽曉鷄北歸車馬候長堤征衫自笑庭中
換別後誰知枕上啼

送江都尹內召

班生此去若登仙父老攀號百里天送別不如邗上
柳依依直到薊門前

過宗氏艸堂賞芍藥

草亭宗翁年九十餘荆府審理

荆國秋卿世族家兩臺名藥殿春華祇應近侍圍金
帶端爲君王進紫霞

又

名園並得主人賢自可鋪排却酒錢紅萼醉扶宗炳
竹粉英香散廣陵烟

次年再過宗氏藥欄用前韻

偶隨藜杖到山家。天與閒人玩歲華。紅白藥園朝雨後。分明銀電閃丹霞。

又

酒清如聖濁如賢。儘醉名花不用錢。身上羅衣渾妬色。鼎中香篆欲分烟。

玫瑰

紅玉天然有異香。折來充佩紫羅囊。不知蜂蝶緣何事。只繞吳娃彩袖傍。

還山夏日別廣陵李海陽

行時相約餞柴灣。不那衰遲苦別顏。長憶故人從此去。獨將書劔出邗關。

龍里柏

鬱然蒼秀挺奇林。不齒凡桃別野梅。莫向山中飽霜雪。君王重構柏梁臺。

五言排律

初秋夜坐感懷簡李太史碧海

畏暑鍵蓬戶。懷人屬玉堂。玄談隔河漢。清景入蛩螿。

靜聽車音絕。閑吟漏點長。荷飈送微馥。蘿月掛新涼。
濁酒安時命。塵編悶肺腸。星霜悲兩鬢。蘭芷慕孤芳。
董史名山重。韋經世澤光。蒼生望白傅。丹旆注黃香。
莫戀三珠樹。休忘七寶牀。雲天正寥廓。鴻鵠願高翔。
初夏城南鄭家亭子飲酒

負郭菜幽榭。臨溪張雅筵。藥殘紛綺雨。荷小疊青錢。
興至忘貧賤。歡來悵管絃。逞顏歌若玉。角勝酒如泉。
句就長河瀉。杯搖落景懸。飄飄金谷事。宛宛竹林仙。
地與人俱勝。情因調各憐。風光造物惜。珍重莫流連。

仲夏暴暑雨氣蒸熱齋居病足承李依聖敷育

二丈枉書問訊作此奉答

蠟燭謝塵事。焚香掃微廬。曳雲當扁印。驟雨落階虛。
樹濕烏啼後。花沾蠹出餘。桃生渾幻蝶。藜杖亦憐驢。
杜甫衝泥怯。稽康避世疎。荷嫌河朔飲。舟想洞庭居。
忽有雙鳴鶴。來存老畫魚。四愁平子賦。累紙右軍書。
細意臨風讀。含情對月吁。何時衰骨健。散步到春除。

醉茗齋爲無文玉兄賦

世咸冷酒德。君獨愛茶經。春釀吳山雨。寒分雪乳泠。

一杯澆俗慮。七碗潑靈局。陸羽有深嗜。盧仝了不醒。
清吟藉酣暢。高卧似沉冥。妙理此中得。何須問醪醖。

新州雨後登含暉閣

帝建荆封國。人傳草昧都。驅除誰不殄。形勝古來無。
縱步得高榭。長吟攬勝區。英英雲氣白。片片石嵐扶。
萬嶺光黃蠖。千流沔鄂趨。芙蓉手可拾。魚鳥坐能呼。
几靜寒蘿散。憲虛夕炤孤。郢僧留割榻。海客促登舻。
病骨蘇遊屐。閒身老道途。悠然雉堞下。悵矣鳳山隅。
秋夜拙逸軒聞比丘尼蘭若磬聲

官舍歛昏鑰。禪庵隔粉墻。竹中幽磬發。簷外素颺涼。
入耳聲非業。無心韻亦忘。泗濱元應節。靈則正含霜。
折學男兒拜。懸如乞士糧。此時翻淨品。永夜伴名香。
良父餘音絕。空知更漏長。

贈李開府

帝眷東南脚。天生社稷臣。十年瞻獨坐。七省藉重茵。
雄畧兼文武。精謀泣鬼神。氣堅排扇翼。忠苦犯龍鱗。
潔若峨峰雪。温如蕙草春。百城知改俗。諸將敢謀身。
彩水苑符靜。淮山禮樂醇。鑿堤天險出。轉粟太倉陳。

鼓角淵淵靜。旌旗旆旆新。維舟娛萬柳。揮麈對千筠。
明月庾公亮。清風李相紳。秉鈞須黑髮。弱冠已朱輪。
吐握勤多士。瞻馳媿野人。實慚前席客。虛藉後車塵。
江樓鷗盟濶。雲霄鴈羽頻。伏觀三事疏。感激意彌真。

軒中初夏寫悶

冉冉青春過。看看白晝遲。花飛香點石。籜解錦辭枝。
倦似階除鶴。猜如池館麋。客衣童懶幹。病夢先知。
壯志憐鬚鬢。孤踪閒履綦。向來卑騎道。聞說阻王師。

庚子貴陽三月二十日聞烏江消息

白羽紛紛至。烏江事事非。繇來經圯地。詎意犯危機。
象陣先鋒銳。山後令違妖。姬貪勇餌騎。尉玩天威。
勢已分勞逸。形難變飽饑。一時犀甲靡。千嶺血骸飛。
士烈溝中斷。兵殘水上歸。儲胥灰猛炬。戈鼓棄重圍。
廟筭矜投卵。天心賴養豨。關山援道絕。風雨費烟希。
自古謀譎于今師。柄微總戎輕。奪綬屬國重。無衣
勝敗數何定。存亡淚可揮。幸無驚草木。誓必整車旂。
寄語征蠻將。援桴要慎幾。

賦得泉聲喧暗竹

美箭沿淇岸驚波噴石川斧根聞激玉林外聽鳴絃
雪乳斷還續州竿潤復鮮響爭風雨至影絕宴遊偏
靜坐殊非聒幽尋別有淵予將探勝地蕭散渡流年

壽李中翰始丈

昭代神仙侶明庭岳麓姿早趨青瑣闥高步紫薇司
傑值連鴻彩天才灑鳳池東藩瞻使節南國借褰帷
漢苑桃開日君山酒熟時朱明回甲子金粟表威儀
慶洽新蘭桂光傳舊鼎彝沈酣儕曼倩瀟灑俟安期
猶子亦何幸佳辰今在茲愧無千歲鶴願獻萬年詩

開士鶴年精舍

不到東林久重來精舍幽盆荷方改夏臺竹累經秋
十笏一亭古三生片石留高僧揮玉塵白足擅銀鈞
忽指瓢空在還驚杖已投蒲鬚生水底花藜出墻頭
龍象明珠秀谿山淨土收相過殊不厭此地可消憂

會通河舟中漫興

綠樹衝門古驛黃泥板築人家小市喧喧渡口孤帆
渺渺天涯

又

絕岸數家燈火中流萬里帆檣少婦當壚賣酒行人
見月思鄉

徐民上先生集卷之五終

徐民上先生集卷之六

廣陵徐來復改之父著

後學李長順天助父較
男 獻科十夫父編

賦

庭栢賦

覽竒樹之糾繆兮。惟文栢之勁挺。干雲霄而直上兮。獨肅然其顧影。若夫抽英緻密。結實堅貞。枝方蚪崛。幹始鱗生。淹留片月。掩映疎星。蒙以霜露。反見青青。此余栢之大致也。爾其高不越夫二尋兮。蔭不逾乎

書 二 文 集 卷 之 一
一
咫尺。羌負蒼蒼之正色。今領群芳而賓吾講席。惡若
桃之早卑。諂兮。憎檉柳之柔纖。以松爲乃兄。今以竹
爲比肩。彼氣可以辟濕。今厥精資以延年。今固莫構
爲棟隆。今亦不至隨夫散木。念托根于新甫。今流嘉
名于漢谷。曾弗若練溪之合掌。今又豈敢不避夫西
川之黛玉。唯深固而難徙。今長假寒其何辭。服後凋
之晚節。今雅不羨乎朝華之已披。諒他日苟不伐。今
曰徐孺子其手植之。

吳貞女楚辭

貞女者童女也。女未家猶然女也。八歲而稱
未亡人。合貞之義矣。故曰貞未從人從母家
故。系之以吳。世有慷慨一死以明烈。多及笄
諳大節者矣。有幼而從容抱義勵志。五十年
如一日者。非其天性然耶。雖與秋霜白璧爭
光可也。載覽柏舟黃鵠之詠。其聲哀怨而激
騷。故以楚辭名篇。俟采風者述焉。

梁淑女兮幽閉髮未覆額。今朱顏結佩兮杜若懷志。
兮芳蘭彼鬢髦兮匹而特傷天絕兮嗟何及指重泉

今爲期。誓九頌兮靡忒。荅胡去兮不歸。徒躑躅兮傷
悲。歲冉冉兮奔注。心怒如兮調饑。山崛岉兮窈窕。虎
豹晝號兮。鴟梟夜瞭。世混濁兮愁予。其茹苦兮荼蓼。
哀時命兮不猶。守空房兮何求。朝與隣兮玉女。暮瑤
瑟兮同仇。脂吾車兮秣吾馬。欲往從之三山下。江水
盈盈兮增愁。波予不可從兮奈何。

頌

瑞芝頌有序

萬曆庚子之秋七月既望。漢壯繆侯祠之陽。產芝三

小實。貴州軍府之左介。大中丞郭公青螺創祀之。嘉
瑞也是日也。宿嵐盡徹。零露泥泥。三秀挺生。靈氣彌
宇。輪囷崛岉。葳蕤陸離。古槎承之。卿雲覆之。鮮英殊
跡。不可名狀。黔人驚爲希世之珍。手額我公之明德。
公曰。是何祥耶。衆共進曰。公祚哉。頃播弗靖。公肅將
王命。大布解懸之澤。以鎮撫其人民。社稷然後臂指
諸。張木西之甲而蹙之。狂受首牂。阿嗣是息肩。
迄今肆於境土者。靡匪文德也。稽之神契曰。德至於
草木。則芝生。彼卉服菁林。誰非草木。而咸游於公之

湛藏則斯祚也公其當之公曰不穀不德二三糝政
方且遺地方憂維是小康卒藉諸大夫之祚不穀不
敢任衆又進曰國徵哉 聖明御宇二十有八載乾
剛獨斷英威遐暢赫然表三大難而日月益耀於中
升子惠元元惟黔得徵異數蓋公之賜也凡是風沙
衛勃鞞之跡遍天下獨弗趾斯土以寧我瘡痍則山
川豈不效靈毓此休徵以獻 天子考之記曰王者
慈仁則芝生黔獲及于渥惠請以是比于美芹公曰
賴諸大夫之力 聖恩時時有之符瑞不可盡君心

不穀不敢獻衆又進曰神庥哉先是播之役公未推
穀之命夢關侯趣之曰亟馳矣若示之卷甲而趨暨
卽師復夢侯報之曰賊滅矣若示之計日而剋後先
盼蠻靡不神券公遂祠祀侯紀侯伐焉祠置而芝見
說文曰芝神草也神弗神於壯繆矣此忠義之氣醞
釀而成者也公曰神既昭然不穀不敢任神其肯受
辭屢進而公屢却焉几几而心休休若將謙讓未遑
也者於是衆又進曰請歸之造化可乎公曰可哉造
物甚玄矧今國家德洽矣而日有不暇給蓋難言之

蓋難言之維是壯繆侯肅然於弓劍旗鼎之間罔上帝之正臣也誠不比於公之一祀而沾沾以芝表異蓋休烈益洽神葩類應必得之數爾假誠鑒於公之精心而援瑰璋之華以結天下忠臣義士之氣毋乃先知公之後福必假神明之物用彰哉穀罄宜之祥者乎昔周得嘉禾卽魯而賜姬旦雖天子之瑞一歸於元勳公有大勳勞者也請毋讓此謹拜手颺言而獻訟曰

參井之墟曰維將阿古稱荒服今列通都八番佩

一夫荷戈致茲繹騷尚寐無吡於赫 聖皇睠焉南顧歷選重臣來剪來噢重臣維何汾陽近屬文武維憲周軌伊步秉鉞星馳至於貴陽建坡西征捷彼夜郎夜郎旣平內覃如傷八郡衽席百蠻衣裳洽和神人烹鮮上理慶協攸鐘芝生厥時數盈台斗色郁官醴不風而搖不根而葉七明九華繪形古冊詎若三秀煌煌日擊屏山西麓陰相默植晝耀祥曦宵儀側匿僉曰公禧公遜不居胡爲不居執德斯符莢莫載榮蓬甫載舒有道堪之皆是物歟

傳

憤世生松鶴長年傳

南州史氏曰夫駟馬無奇首陽流譽士君子落魄當
年其心白首是非黑白千載如新豈不自愉快也哉
顧仲尼之言庸是憤先之已迺世決江河雞食鳳食
耶鉛刀爲銛乎史氏所以扼腕不平撫劒咄嗟竊托
志於夫生也夫夫生也有從泉涕楚之懿行而世沒
其孝有拾薇采藥之偉節而世默其讓有授餐解綈
之標致而世匿其惠有拔葵休織之雅度而世損其

廉一裘十年衆人陋矣紫絲百里將無華乎布衣久
要衆入污矣躡珠升堂將無侈乎恂恂難言將無拙
乎靡靡可聽將無辨乎動刊千古橫志八海將無迂
哉腐哉而曲體醯雞守業雕蟲者方將自笑於蓬蒿
之下毋惑乎夫生也憤之矣不見松柏生於巖林乎
其初也委於荆蓁牧於牛羊而其貫四時歷千載而
不凋豈非其天定哉不見黃鶴翔於雲霄乎其初也
翫庭除食稻梁而其飽霞海凌九玄而何羈豈非其
品定哉天定勝人品定不諧於俗夫生也亦惡乎庸

憤矣生出隴右李氏爲今相國文定公嫡長孫尚璽
公子名思忠字純卿取西門義別號佩韋山人天性
孝友資稟朴茂爲詩宗鮑謝語多自得無能書文名
而筆勢流暢詞旨溫茂自匪尋人可企與朋友聯交
每多韋布推赤心置人腹中他人逐逐斥斥若將弗
及生處之裕如日招儕輩坐竹林下薰風南來歌吟
自呼飛白引滿取三升罄落望青天而對明月至夜
深飲之取醉而止生平雅志五嶽游大雪登三山之
巔狂走號叫白雲莽蕩波濤澎湃與生憤世之豪若
相應者他人弗測也史氏曰余與憤世生交每觀厥
施受行止雍雍揖遜置身於炫冶爭取之間動焉千
年不可磨滅者則得天地悠久之氣爲不虛語曰山
靜而壽海濇而大有矣夫憤世生年登強仕社中人
劇錢爲酒酒生几上有冊一編史氏題其上曰松鶴
長年而爲憤世者所以則憚之烏烏藉之白眼康之
赤鍛良有然也生異之憤矣

太師李文定公 吏部尚書對泉李公 知府理

應宗公 司隸 張公 處士樂吾韓公 按

察司副使房公 都御史海樓凌公 訓導

許公 京兆尹 錢公 參將 王公 守

備仲子表君 太學生 陸君 王父處州府

丞 王母陸氏太宜人 先考太學生 室人顧

氏 以上並有傳未就皆先君所嘗受知與素所

交遊者惜其稿零落失次諸公卿士大夫並有家

乘國史尚可攷而知先處州府君亦有誌銘藏于

家塾惜吾祖父母未得其傳當續成之以畢先志

男獻科記

記

四友堂記

今天下之所與定交者豈必皆其人而後有友之名哉凡與我之臭味相似者莫弗有其情焉矣自伐木之章廢而谷風之怨興使論行結交至不欲友其人而徒取物之臭味相似由由然與之偕此劉孝標之所以致憾於五交也海洲先生獨居一室邈焉寡儔顧松竹之清陰取梅葵之逸致欣然樂以語人曰吾得四友矣吾自釋耒登朝生平布衣之歡日遠卽海

內二三知己亦星聚不常甚矣友之難也自吾之得此四友也風雨寒暑醉呼嘯譟雖悲歡異態榮瘁殊時而此四友者曾不因之離志而去無不與此四友俱者色嘗親意嘗洽可不謂石交矣乎且此四友者益友矣謾謾者能固吾貞媚媚者能消吾俗幽香發而神骨清赤心傾而邪回絕友哉友哉吾降心以從矣夫先生負磊砢之節挺剛勁之姿中通而外直懷芳而吐芬固匪一世之士所得把臂論心者至其與草木同群此其意難爲妙見寡聞者道也昔人謂松爲徂徠公竹爲渭川君子梅爲孤山處士葵爲蜀丈人是皆有友之名誠不必其人也然松以幹著竹以節顯梅以韵勝此三人者炎不增華涼不改郁洵可與論歲寒之心事矣至若向日之誠朝華夕秀先生亦與之傾蓋何歟先生曰道相成名相埒則願與之友焉今夫國棟者士之幹也律呂者心之聲也和羹者他日鼎鼐之用也苟是三者非忠能傾之以心仁能衛之以足則棟無虞其折乎律無虞其奸乎鼎無虞其覆乎予之與此四人友之也其有相成之道也

夫然則先生之取友也亦端矣予因述其言而爲之
記

蔣氏墓田書院記

余與吳陵羽侯蔣君善也豈不翩翩爾雅孝廉士歟
一日偕余東遊過其祖若父墓處艤楫登隴裴回瞻
戀因涕淫淫下曰是皆不肖先君子之所拮据也先
是羽侯父叅政公以名御史起家至二千石水蘗清
白竭俸入而營此以妥其父在史公者也寧不願浩
然歸畊以時上脯糝掃粉榆也者顧國家拊髀亟於

禦侮之臣叅政公繇是以遼陽之役盡瘁疆圉卒於
霸上軍中也哀哉還葬在史公之昭穴此其於叅政
公孝思亦得獨奈何天道茫昧罔肯憇遺畀明使雄
心頓灰壯圖不竟僑終蹇謝今後之人指黃壤而流
涕也哉於是羽侯盡以叅政公賜金爲拓迹墓田書
院費不自名一錢以終叅政公經始之心而自慊其
盡如風木之恨以故宏敞崇麗佳城甲於海上使過
者不憾於泥陽余因援筆而記之非侈其事也爲羽
侯示子孫耳若夫叅政公名第勲伐經國隆家所以

溢金石華日月者自有史臣羅宗伯紀之曠中茲不
具論記曰距吳陵城東十五里許爲蔣家河沃野通
川風氣攸鍾膺膺如也躡瀝北上卽爲鳳洲書院綽
楔臨之喋喋如也鳳洲叅政公別號書院其祠宇也
羽侯拉余先拜其墓道於是述書院西折過橋橋跨
溪口虹如也石坊跨橋口峴如也循石坊北行修途
弦如榆柳夾植瑟如也度板橋而西爲社神祠儼如
也更二百步負山臨水者則爲蔣氏先塋矣中穹如
而勢若顧復如者在史公墓也左窿如而勢若恭遜

如者叅政公墓也二丘燕如神爽肅如綸言煥如麗
牲屬如蔭石亭如四亭華如扃墓有門重門間如掖
門有墉重墉雙如右馬屹如華表矗如新松蔽宮鬱
如謾如靈霧浮空蒸如隩如樵人牧豎凜如不敢入
狐兔窺如荆藜濼如艾芻敢嘯嘯踴躡蔓衍蒙茸於
其內哉枕墓爲山厥山鬼如陟山四眺田疇劃如此
非蔣氏子孫千萬世榮盛萋醴之所出耶厥水環如
合於明堂滄泓如洩於溪流潺湲如蔣山楮如列其
前維嶽如障其後長江之汛帶如左右海門之帆

楓如指顧余與羽侯凝睇久之悲風西來鳶鳥迅飛
惜如與言曰斯地也卽非堪輿臆說青鳥揣摩名合
地符機違時會誰不知夫造玄臺爲廼公室耶因唏
噓太息而下復遵故路度橋東折息步於書院矣羽
侯伏臘進之修享獻藏衣冠思宮墻者也有堂闔如
有寢秘如有序翼如皓垣繚如重關燦如築臺於後
而亭其上八闌熒如百卉林如此書院之大觀也羽
侯居此見兩澤而油如動其懷踐霜露而慄如永其
思豈爲觀樂設哉君子曰骨肉復歸於土命也魂氣

則無所不之然則墓田祠宇贅耳嗟嗟是或一道也
仁人孝子之掩其親者能無惻如也哉

問鵝亭自記

去昭陽城十三里爲蘆洲蘆洲東南下九里爲徐家
莊先人墳墓所在有亭枕溪顏曰問鵝高祖守愚公
昔得一天鵝養之自隨鵝慧善鳴雪翎烏喙墨掌碧
眼脩頸碩體洵異禽也公暇食起居無不鵝隨社中
父老邀公飲鵝與俱馴几席之旁客戲飲鵝鵝飲腥
穢物不食也公醉鵝若導之行醉不能行鵝先報家

記在集中
遊古可遊

人扶公歸公或他之不及鵝尋失公必鳴翔里巷
中踪跡得公止鵝洵異哉公伏臘省南莊鵝浮遊水
上先榜人或先至村舍間佃人見鵝遂戒其嬾子炊
曰主人來頃公果至公休草堂中鵝遂下溪河襍鳧
雁鷓鴣群眠沙泛浦奔萍拍藻狎遊終日公淹留溪
上亦終日公鳴琴鵝若聽琴鳴舞相和異哉異哉公
仕時携鵝之京師事英宗爲廷尉評已爲工部員外
郎宦遊十年間獨親是鵝鵝亦知依公每夜未央鵝
輒鼓翼鳴公聞促起趨朝待漏鵝偕往蹲御溝流水

之涯俟公公罷朝鵝又尾之而回見者莫不知爲徐
工部鵝公時無宦情日見鵝病問之曰鵝思鄉耶公
遂棄官籠鵝而歸士林咸推重公惜公去又惜公鵝
去少保高文義公時爲宰相贊公曰追孺子于南州
傲二疏于漢廷引天鵝而容與殆彷彿乎鷗鳥之同
盟云其有深念哉公還舊廬笑傲林泉與鵝終老
後公沒鵝亦踟躕以死家人爲匣以藏之狗公墓道
傍有鵝塚鵝始終之異如此故子孫像公貌鵝于側
以識思焉少保高文義公與公同鄉且厚善偕和有

茶香酒熟雲白山青詩軸藏于家少保解組時築室
蓮花六十四蕩中去公艸堂近少保往來蓮花間必
移棹訪公弄鵝賦詩怡然終日後公沒鵝死少保過
工部莊詩有借問天鵝今在否水禽沙鳥自雙雙之
句亭以問鵝襲其義也問之者鵝思之者公也少保
思之而公後之人愈思之也思之不得故假鵝以名
吾亭而寄之思也名之者誰余大父歸州刺史也亭
之者誰余先君子大學公也記之者誰余小子改之
聞于長老尊官考于家乘邑志總括而記之也問鵝

亭三大字則江南王秋濤先生所書也

序

南征草序

國家之急王先生若謝東山韓魏公矣王先生固高
易退之節種菽採薪事其母夫人於三川之上若將
終身也一旦天子以璽書卽王先生於家而起之王
先生遂毅然南征焉此南征草之所以作也方其出
函關過商洛渡襄漢下荆門朝遊枉渚夕宿辰陽馳
驅鬼方之域而經略夜郎之墟豈非萬里壯遊乎乃

王先生伏軾而吟擊節而歌。又若有慨慕紫芝留連
輞水而卜築叅山之意者。又何也。王先生之爲人其
品最高。其情最勝。太虛無一點塵滓。以故發而爲詩。
是乃心之聲而澹之境也。詩至澹而可以身矣。然詩
固不足以盡王先生也。王先生屢爲縣官。御侮不啻
南征。而南征之績甚偉。王先生曾不以此稍槩於中。
汗馬行間。白雲天際。則固有深長之思。王先生尺蠖
神龍。時行時止。合尊陽而爲一人也。王先生豈枝葉
士耶。凡此嶺雲關雪。沅芷湘蘭。自古遷人放士之所


咨嗟不足。而流恨無窮者。皆足以舞王先生之筆端。
而博其趣矣。南征草凡若干言。不過伏軾而吟擊節
而歌。對景揮毫之作。殆非全豹。劍首一映耳。是詩固
不足以盡王先生之爲人。而南征草又寧足以盡王
先生之詩也。卽其古詩。不知當漢魏何人。至如上有
烽火臺。下有溫泉水。驅馬越崇崗。去去遺塵滓。又如
雲中雞犬喧。柳杪流泉瀉。遙瞻鹿苑門。乃在青山下。
如鸞花若待客。鹿豕時相叅。藉草聊濯纓。一濯塵緣
了。語語建安黃初也。其近體不知當唐何人。如秋風


吹畫角。山月掛營門。如楚道。兵戈音信斷。黔山風雨
戰爭多。清山一夜啼猿斷。明月千峯旅雁過。如疎月
碧桐掛寒烟。如一時齊上海龍山語語大曆開元也
其賦不知當六朝何人。如負纖纖之薄質。今懷炯炯
之明心。夜沉沉而冥霧。月皎皎以流光。瞻山河之岑
寂。聆天籟之悠揚。語語蕪城明月也。氣沉語響。格古
思玄。真一時大家矣。至如避世寧金馬。安劉亦侔儻。
摧盡千峯氣。轉雄心。期報國。不論功。又王先生自寫
其狀如此。吾不意北地先鳴。康王繼起。而王先生又
超乘而上。於此亦信關中之多豪傑也。


汪千頃詩序

廣陵詞社中習於聲施者。林林矣。紳冕之士。運其經
世之餘力。靡不以風雅飭名。高故其爲詩。亦瀟瀟乎
其可誦也。至於縫掖布衣。攻儒弗效。逞逞托之韻言。
以洩其牢騷之感。而哀怨多矣。是猶徒業而爲詩也。
者非顛門名家也。唐人以詩取士。士始免於孩卽操
觚事聲律之學童。而白首皆是物焉。故其詩精馴。渾
雅。後世誦之爲不朽之盛事。豈非專之效與廣陵汪

千頃酷似唐人千頃美秀而文辭象之幼年卽負雕蟲之志開口而咏則一座驚人諷之習舉子業夷然弗屑也日取六籍子史騷選唐音諸書鍵關下帷手披俱盡于是乎抽其芬芳博其俊永發而爲詩咸竒麗雋雅有竹枝縹緲之音並臻錢劉佳境夫千頃不以帖括亂其心而積學精不以得失分其慮而游思密纒弱冠篇什盈廂亦專之效矣伯里奚飯牛而牛肥紀滂子養鷄而鷄如木鷄又何疑於千頃之詩今千頃身不出里竇而名噪於江淮浸假他日觀四方登五嶽襟帶日廣採輟日富窺其所就寧有泥情乎哉吾聞千頃之先系出新安爲越國后新安人注魯玉先生者一代詞宗也亦越國后千頃豈其支屬耶不然何其聲詩之相似軌轍之相尋也不佞與千頃同盟叢桂社故不辭而類數語於首簡







國家圖書館, NATIONAL CENTRAL LIBRARY, TAIWAN, R.O.C.

僕本嗜酒廢時博文無暇旣慵強記兼惡苦搜是以
酬往之間每多閣筆間有所論著雅俗並陳非其好
也若乃郵人立取還答社友數責詩逋此必不得已
之數不過見鴉求炙顧兔覓盧豈不晚歟何怪過屠
門而空嚼覆醬餽以取嗤也爰是泛覽之餘會心之
際或標竒於殘竹或采秀於衆芳或觸類而獲雙珠
或偶思而矜半璧或塞翁之馬因失路而將駒或任
公之漁本投綸而得雁或經年未就一旦豁於立談
或屢牘難申片言新於溫故或先未立題而因巖置

屋或豫有斯作而點鐵成金凡一字之奇一句之巧
悉捐臭腐咸假鑪錘但取精嚴不分門類靡不疏注
於赫疏用以沾濡于弱翰固慙左腴漢雋猶謝襍俎
一鬻旨蓄禦冬聊存風味而已庶幾屬厭野夫不可
羞薦鼎士然非僕之翔意也昔左太冲如廁踞牀恣
陳豪楮李長吉佩囊策馬盡拾風雲詎非是物也耶

贈王父明府致仕還淳安序

語曰仕宦而至將相富貴而歸故鄉世艷稱之矣夫
人生豈必都卿相而後爲仕宦哉聶丞短簿青史遺

芳委吏乘田大聖人不廢卽一命皆王綸也人生豈
必盡富貴而後歸故鄉哉尊菜鱸魚興至則去一丘
一壑自謂過之吾不失吾故鄉而已先是王君之來
吾興也以文無害受任簿曹駸駸與吏治伍矣故官
人不必擇類要以宜民當官不必藉資要以有守敢
問王君之宜民而有守者安在王君之下車三載矣
而畏壘大穰王君故有教倉之寄出納平準凡暮夜
之苞例入者兢兢却之百姓稱其廉而不苛亦嘗攝
千板之職野無^菽符之警市無鷄犬之喧境內稱其

威而不濫中堂公徹之以聽訟兩造畢陳噢咻懇至
卽負者靡不歌我公之明恕也若其勤儉之大節抑
抑之小心又有不可殫述者政錄我大父志母正已率
屬于上王明父明仰承畫守於下而吏治蒸蒸然矣繇
是部使者旌之監司郡守重之遷喬陟顯匪朝伊夕
也乃一旦上書乞骸致其事而去父老攀車而不能
卧也予觀世之據要津居華廡一旦改綬去之則人
人以爲奇節簿單官耳鷦鷯之栖枳棘豈以一羽爭
去就耶世或以立談而得公輔位高金多故其去之
易彼以刀筆而計升斗曾又待遷無事而去之如脫
屣于妻子得矣心獨無怏怏乎乃聞王君有言曰吾
寧五步一啄十步一飲無寧處於樊中吾南山之下
有田可耕青溪之濱有水可飲有子可教有老可怡
歌咏太平以樂天年而已吾之去也奚顧問哉聆王
君之言可以知王君之爲人矣

賀陳侯考績序

國朝令甲大冢宰率其屬辨官以弊吏治比三年百
官各以所治之績上計執秩者而殿最之於以顯功

能延封賞厥典甚鉅中外大僚什奏什最若顯邑之
長以稱職爲兢兢而膺茲寵貺者稱希覲焉蓋世之
難易使然也東越陳公繇魏科當妙選來宰興化三
春秋矣癸丑秋載績於牘獻之當事者報治效也固
忠孝之大關也令長之責祈於宣德意而惠元元義
居無事而處於此田野闢乎河渠疏乎賦稅供而訟
獄清乎奸蠹絕而盜賊屏乎文學興而風化起乎其
難易必有分矣君侯之治昭易也所處之地甚難邑
越在海隅出斥鹵苦旱澇最號磽瘠侯下車歲皆三

稔地鮮遺利流亡盡歸世無庚桑則畏壘何以大穰
耶蚌沿白塗兩河備灌注而資舟楫近湮淤商民病
之侯備糶徵備濟鑿雖斧鍤如雲而村墟不擾川觀
者則曰何讓鄭渠哉往賦多述負徵纏載路茲卽屢
詠豐年而催科無法亦與歲稔同侯酌盈濟虛用一
緩二民自輸納恐後且毋入苛贏以腹膏血也邑中
善訟侯一切以正法擊其囂者而一肯可原寧出無
入不以察察而傷吾愷悌焉侯嘗謂惡草不除嘉穀
之害搜奸剔蠹自肅臆始於是門無勁胥庭無睚吏

二三魁黠橫井里而魚肉生民者皆置之械遣中外
肅清興故澤國何異潢池剽略跳梁鯀徒尤劇侯嚴
保甲儆干陬散黨擒尤民始帖席侯以文學飭吏治
弟子斐然向風歲時程課品際不爽以經術起家者
率列高等連茹登朝者踵相接也至如鼎新黌序表
揚節烈修城濬隍賑貧釋繫諸凡徽政皆效古人成
規而潤飭之悉臻成效侯本以廉端出之寬仁運以
明敏以斯庸治以斯奏功何不稱旨今大司空丁公
直指顏公列侯異狀達之當寧嗣是舉章駸駸而上

聖天子坐法宮思賢良徵高等陟之要樞舍侯其誰
屬哉乃侯聞之曰予承乏茲土所不自愛膚髮矢志
竭忠以獲免於魯戾固部使者之力我皇上之寵
靈亦將以徼一命之榮於父母庶幾不媿臣子耳侯
讓德如是奏最受封在旦暮矣其書以爲左券云

贈思崗周先生五秩序

今上著雍闍茂之歲嘉平月二十二日海陵有侷儻
循雅義可薄雲天信可浮金石之君子曰周思岡先
生者其伯玉知非之誕日也榆社兄弟有五人焉華

君少岡陳君文軒沈君仰村戴君步奎冒君繩齋相
與崇醕載珍稱慶於槐陰之廨舍授簡不佞搗辭以
佐上樽古者嚴事耆碩必問之惇史不佞卮言無當
不足以窺周先生之素請質之光祿公孫焉少岡始
基之矣曰吾弟結髮授書爰飭以經術旣而厭罷迂
腐又去精習法家者言翩翩楚趙簪紱之度豈不稱
名都之股肱諸曹之表率也耶邁跡賢胥榮施不朽
敬進首卮介爾眉壽於是乎諸君迭起爲壽則太僕
之弟文軒者曰吾兄伸螭閭闔燕詒世澤改蘅茅而

化家去韋布而結綬事業日新聲華日茂蓋人聞之
丈夫子析薪而克荷者矣請以此再觴之司馬之孫
仰村者曰先名實者以宦游爲高急功利者置惇行
不講吾兄業參何之業心曾史之行莞庫而絕意染
指馬堪而立牧無邪誠附離仁義而貫旋淵坦者也
得全全昌隆施隆報黃髮兒齒不券可致也哉請以
此三觴之博士之子步奎曰亭毒綏仁慈祥有後吾
兄具鸞麟之性天必不吝於鳳毛植蘭玉之根家必
不衰於瓜瓞五十而獲明珠稀年而成令器未爲晚

也三爵之后更進一觴末至爲冒中丞之子繩齋子
宣言曰吾儕六子結盟義掩白日以賢豪相期許以
道義爲磨礪排難解紛著誠立節煌煌執耳千載不
渝倘或者雲泥羽翼各躡亨衢所謂矜然諾之心者
寧能一日背馳耶居則效竹溪之六逸出則若卞氏
之六龍藉此慶席語終訂之是始三人者美矣繼一
人者祝矣又一人者箴矣無以復加矣不佞其何辭
嘗聞之上壽稱百歲周先生當始艾之年正昌明之
侯吾將使魯陽却日漢術延年先生馭虬尾於長途
騁驥足於千里諸君接跡而起不佞拭目以觀則大
願耳安得效松鶴之私言可山林之衰態以困我周
先生邪舉爵滿觴縱筆直書先生曰敬我矣

朱南山先生八秩序

丁溪廣陵瀕海之輿區也范隄迤東爲大蒐之圃其
地澤鹵不籍於周官葭莩揭揭茫乎無垠本以資養
海之氓他煎上咸有畫地丁溪獨不然雄豪據之緣
爲奸利彼貧輸課者至不能具樵蘇識者慨之於時
有朱公者隱君子也憤然不平於中曰先王疆理衰

宇寧獨井畝哉民竈皆縣官赤子民有限田灶無分業賔不恐突竈之腹削吾徒而日就溝壑也於是挺身闢白於醴臺一以均草蕩爲請應公可之格於勢未行輒有流言欲害朱公朱公不爲動愈益發奮必欲直其事厥後高公來遂下之而丁溪草場之疆界均矣大海上之俗率輕心任俠墮黨崇讐重貴富而厭貧賤間有一二喜事輩不爲名駢則爲氣死若朱公者居平醇謹言若不出口一旦罔所瘴悅見義敢爲活不嘗之遺黎中無窮之伎害此其舉動公正爲

一方祭酒豈尋嘗嗜義者比也吾聞後蟻哺羽感應之細小冥冥不惜以景福萃其躬今朱公篤此肫誠樹此巨德無量啼號之衆使之歡然各正性命於泱泱之野退而不言功繇斯以談 帝光昭鑒儲祥降祉寧有涯涘耶則朱公之躋八十而享康寧非偶然也朱公生七越月而失怙束髮困志于卑微星出星入戮力苦身凡生人爾厥之艱臣_勞之作靡不嘗試故起織息而致豐廕則朱公之智慮開明筋骨強健其所繇來矣昔太公望發跡東海享年百有餘歲若

當時非熊不夢後車不載則垂釣之人誰其知者陶
朱公亦居海畔相齊伯越曾不足以易耕牧之樂竟
安老于陶侵假南山丁年遇合出其智勇以匡世紛
寧遂無可觀者哉彼所以擁天爵而行地僊未必無
所見也朱公生五丈夫子皆習於孝弟力田之事諸
孫皆好文雅津津以名第成家方未艾耳天之報施
善人其在茲乎十一月某日朱公誕辰也陳文學幼
寧與朱公孫文學君有婚姻之好走幣於余而述其
行徵余言爲壽余不能文歌天保之六章曰如月之
恒如日之升如南山之壽不騫不崩如松柏之茂無
不爾或承子請以是觴之

誌銘

明故戶部右侍郎陽溪楊先生墓誌銘

戶部右侍郎楊陽溪先生以文章節行高一代享年
五十七卒於家按公諱果字實夫六世祖繼先元淮
東道正元帥入 皇明時藉丁溪場至公始徙揚之
興化縣高祖哲曾祖璧祖綱世有隱德考處士縉少
通經史飭躬表俗能詩人稱爲雪湖先生以公貴累

贈中憲大夫南京太僕寺卿母周氏封太淑人公生而穎異夙學天成日記數千言善屬文補邑諸生試輒得雋舉弘治戊午科鄉薦登壬戌科會試第二名其文至今藝林以爲楷範公旣成進士旅告省親丁外艱居墓側三年哀毀踰禮服闋謁銓授戶部主事掌本部所上章奏輒見採納居無何告歸養庚午還部告政南京便養尋陞南京刑部員外郎進郎中公居爽塲執法不阿癸酉擢北京吏部稽勲司郎中是時乾清宮災武宗儲嗣未建公代大家宰應詔陳

言草略曰 陛下尊居五位垂及十年前星未耀震極猶虛昔人所謂孤立耳今夫千金之子終鮮兄弟下乏嗣子尚必計及宜男或邁繼同姓况以萬乘之尊而有孤立之勢乎事關宗社九廟式靈伏望 陛下豫建青宮以成大業如宋真宗故事於宗室中遴選親賢一人養於宮中繫四海之望待他日誕生皇子之后俾出外藩如此則繼體有人國本以固實明祚無疆之福望 陛下留意識者避之甲戌調文選黜陟明允請托不行楊文恪公廉謂公寢榻如禪

門可羅雀真能大耐官職者巳亥升南京通政巳卯
改北膳黃庚辰以太淑人在堂五疏終養始獲允
世皇登極以薦起南京太僕寺卿上疏略曰臣馬曹
也唯馬是知他安知也顧戎之大事在馬馬之大事
在民馬非民弗養民非歲弗給不幸臣所屬地方屢
經重災復遭疫癘以地畝養馬者地多荒蕪而無力
可耕以人丁養馬者人多死亡而無丁可補薦致民
生憔悴馬政厯禮苟無以處之馬政不幾頓乎伏望
皇上深唯根本重地寬恤災傷之民暫停坐派本色

馬匹其折色銀兩亦量有無災傷隨時增減庶民馬
兩全而國有攸賴矣上咸可之乙酉進太嘗寺卿
提督四譯館又以母年躋九十乞歸養戊子起南京
戶部右侍郎攝尚書事兼理工部大理寺事公綜核
諸司靡辭執掌竟以成疾旋轉北部解任抵家而卒
疾將革語不及私唯曰報國未盡養母未終兩兩爲
負耳計聞上遣官祭葬如令甲公孝友出于天性
歷官兩京垂三十餘年以老母在堂不挈妻子終養
之疏凡十餘上進不勝退人高其節云律巳清嚴尤

不居于權勢正德間群小用事公嘗云予自視多曠
廢惟不識瑋寧彬三兇差免媿矣公仕學雙收手不
釋卷學以主靜爲機造理爲域故其發爲文章言約
脉清法森骨秀一時所過化多名士焉詩翰尤爲世
寶公生卒載在原稿銘曰

洋洋東溟毓秀鍾靈文章蓋世麟鳳降精傲歷三朝
弗忝科名忠思盡瘁孝屢陳情望之山斗昭代儀刑
位不配德年不永齡 帝典優錫九土服榮妥公茲
域百代芳聲

行狀

南京戶部湖廣清吏司郎中四弟蒼水君行狀
舉世習諛佞方正乃見舉世好諛佞一任其躐尊榮
都腆膺已耳而方正殆不免嗚呼予四弟免乎哉四
弟蒼水君奄棄人世倏閱三載諸孤將奉襄事卜塋
廣陵西郭萬松菴之新阡欲求當代鉅公良史誌若
銘鐫墓隧之石用圖不朽屬不肖狀其事庶幾不昧
生平者備採拾焉嗚呼四弟不肖同大父母之弟也
鳳鳥摧殘荆花凋謝孔懷之情胡能已已謹布狀君

諱來儀字威甫人稱爲蒼水先生 肅皇帝癸亥年
春二月降于中州太康縣之官舍時大父爲太康令
云君免身母血灑地若丹華家大驚乳媪曰此貴徵
也善視之五歲失恃哀慕如成人大父母憐而鞠養
之弱不好弄在群兒中巖然自異鳩車就塾師終日
不離一几稍長就經師頃刻立掃千言十四歲補諸
生二十歲領鄉薦君質固通明性尤沉粹于書靡所
不讀會撮其旨要而自成一家以故發爲文章輒試
而輒利也君外無唇吻而內備春秋儔伍中不惟跳

達者不妄交遊卽遇謹厚之士亦超超自遠襟帶不
解於流俗竿牘不通于有司恂恂處子已耳越十年
今上皇帝壬辰成進士筮受刑部主事奉命審決江
南歷陞山東司郎中知 詔獄君兢兢治法家言文
無害主白雲樓天下爰書輕重平允凡有大章奏部
尚書舉以屬律郎君具草部尚書籍上之無不當
上旨者時重鑛稅之權折中使之角必無幸矣山東
糶令韋國賢以觸忤中使逮刑部獄君欲列其罪恐
按逆鱗迺上疏曰國賢章句腐儒風塵末吏不知齒

馬之誅誤蹈沒鼠之忌云云上從之放國賢歸里朝
鮮之役師老財匱議者皆咎大戎羈誅人心不振之
故君忼然執奏曰誤國邪臣某不願與共天口請斬
權奸以謝九廟之靈於以伸國威而鼓士氣疏進上
亟可之大戎竟死獄中先是賊弁沈惟敬下獄居間
盡朝貴也君痛笞之罵曰賣國賊復須活耶當惟敬
大辟誅死蓋君叅署之餘乘羸歸邸鍵關謝客自手
一編雖輦金如市而君心如木以故殲厥罪樞立除
群小一時君固名震朝端而藁生衆憾矣君名潛隱

久孤節益著大家宰孫公欲優序之公去位卒弗果
遂出爲貴州提學僉事彼八番荒裔去天萬里君夙
然就道下車以正文體變士風爲先廣厲諸生務在
躬化崇祀王文成孫宗伯以示標準巡行清平龍場
間瞻拜松楸尊嚴廟貌不勝徘徊尚友之意表章節
義毋濫毋遺所拔士盡知名翰苑臺垣豈曰魯無君
子於時有播州之役君以文吏不事行間然策武士
贊軍機督府郭公恒多君之別解會臬長趨朝君代
其事軍興多故罹辟實繁君解網不后于引繩綽有

秉憲一方之度伐叛之后俘獲子女配隸君者亡慮數百人君詳詢其姓氏號召其周親俾母子夫婦各完聚而去向使天道果不夢夢此非陰德耶顧君較閱間一稟公令權豪子弟詭遇不逢折軸漂山卒中飛語左遷許州牧許固沃壤近亦凋疲黃河汎溢中使驛騷民不聊生矣君至褰帷問俗除煩解苛一切與民更始如鋤帑藏之奸減郵符之濫省負薪之費罷箕歛之名士夫無造請之竇齊民靡不白之冤於兩河間凡有覆盆之獄無不叩顙臺司愿下徐青

而一決至者皆輸服焉如此種種實政梅太史以爲奚事一州卽天下可也後先部使者廉君治狀第一以其名登薦剡無啻十數上主爵屢以風憲推轂之咸不俞唯民部之疏朝上夕報可胡君宦途之轍軻一至此哉君至留都唯嚴筦鑰實倉廩浥爛剔耗蠹而已稅權淮關直需卧治耳尋以封君不豫遂投冠還里猶及與封君一訣也君手自含斂送終之禮靡不周備君居憂未幾尋以大察閑任夫忠而見疑信而被謗固無容誅矣然以孺慕哀毀之衷當牢騷

抑鬱之志卧病經時歲在龍蛇豈能逃乎君天性孝友事家父若嚴君事繼母若母處弟妹若同胞意度忱摯言笑不苟或風以道在委蛇君毅然曰我無私也夫無私固矣跡其居喪鳩也唯知殫慮于刑名而不知吞舟之可漏其鐸黔南也唯知持守乎功令而不恤棄婦之無還其收潁川也唯知循飭乎吏治而不念綜覈之過嚴其守司農也唯知謹凜于錢穀而不憚征繕之太苦徒兢兢執守曰我無私也豈不知聖人者不凝滯于物而與世推移造物者猶栽培傾

覆之互用無私者直道也而可處于波流之世乎人徒曰蒼水先生名可得而聞人不可得而見夫面不可見者而可處于呶訾喔咿之朝乎已矣乎國是日非猥辱顛倒于簧鼓之口而人心不死猶練證于月日之評故于君之行實一篇之中三致意焉君之先以國爲氏偃王之後西吳有徐孺子者厥後遷于東吳故徐氏譜曰蘇州人莫可考也元季自蘇徙於揚州之興化則均祐公其始祖也均祐公生二子長福一公次福二公福一從高皇帝軍有功世爲南京

原書卷之六

羽林右衛指揮僉事福二生工部員外郎謚謚生璣
 璣生七品散官賓賜賓賜生勅封文林郎志志生二
 子次卽我祖處州公大經號中橋中橋舉鄉薦官歷
 七政至郡國守相在仕版二十年當時有惠政結于
 人心邦人所至立祠生祀之與宜人陸氏偕老俱以
 八十五歲終中橋公生三子季含齋公君父也封承
 德郎封君公豪爽有風槩居強直自遂拂衣致仕以
 酒爲名酣暢而已君母楊氏爲戶部侍郎楊鷗溪公
 之女孫蚤死繼母張氏張別駕之女妻吳氏有內德

君父母妻皆贈封承德郎安人如令甲有丈夫子三
 人諸孫某某

徐民上先生集卷之七 終



國家圖書館, NATIONAL CENTRAL LIBRARY, TAIWAN, R.O.C.



徐民上先生集卷之八

廣陵徐來復收之父著

後學李長順天助父較

男 獻科十夫父編

贊

石溪先生像贊

坊時表俗貌則于于敦倫篤行志則劬劬品高巖柏
遇局轅駒被薦人官猶守伊吾或振孔鐸或曳王冠
仕幾廿載家無石儲康成記里畏壘營廬儼然詞伯
卓哉名儒

李彬齋先生小像

清若冰壺皎如玉樹卓朗神情精研阿堵族貴隴西
鑒先弘度誕體紛華持身雅素堂構益拓圖書富
燁燁名駒翩翩振鷺紫薇始基金章後監相國之光
叅軍之步

一元嚴孝子贊

身既隱矣焉用文之卽以行舉自天性之施于有家
念茲在茲終身色養參乎吾師親在孩笑親沒兒啼
章服有榮循墻而馳一俯一仰披圖見之

翁小像贊

之癯松栢之姿被服若是行德可師奮跡
安身淮海織積緼幅慶餘元博儒以飾季賈以
居功者暇祭酒者尊履體安佳棲精澹漠矜和沈澹
定志盤礴聖明之瑞耆壽之朋五皓十叟素封待封
孝廉潤海兄像贊

展如之人非常之人朗目秀骨徒貌厥真誰畫爾神
誰寫爾心爾之疑神與夫爲隣象外獲珠千古若新
爾之宅心純常是臻牛渤馬搜咸寓至珍瓏龍抱月

威鳳橫旻文章具在孝友絕倫後圖一寒處存此身
余邦彥詞兄小像贊

啓處卑比被服接羅爲儒者通尚玄而奇一則詩然
以恬以謙載遊淮海或去不去博文強記炯炯雙眸
揮翰綴詞允矣千秋風神朗暢標格華整光霽長
芳流古鼎扶輿淑氣闔越通臣貌肖其似我圖其
太官署正唐蘆翁像贊

是翁也服側注佩華紳儼然觀國之賓挾朱挺高黃
金褒然比封之君介景福躋大椿龐然川澤之出
咸貌翁之貌而未獲翁之心吏而能隱富而不矜知
玄守白既壽而嬰好行其德匪濶其身江淮誦義歛
浦揚芬是真能承父兄之素而振令子之斯文者豈
非聖世之逸民也哉

書

東友人劉念江

僕與足下相望淮浦東西耳曩者文翰業已涉吾地
矣吳陵蕭寺旅食荒涼又當文戰控仞不能稍盡地
主至今快快一別四載魚雁邈然想見我劉兄清標

印月玄思凌雲藜火精言盈廂積案一飛直上矣揚
鞭振翮萬里無前正張燕公所謂此句可得此位可
致其年不可及也如僕顛毛種種伏處蓬蒿終日作
甕牖生活足下猶記存之耶李君至惠我瑤函臨風
展讀如次于面彼事已于千夫長處相爲料理即使
之脫迹西歸諒不負故人之託也秋風伊邇佇俟捷
音

報張夫子

奉別五載馳神彌深獨念萬里蜀天末由叅侍爲愴
懷耳伏承師翁存厚不我遐遺疊辱翰音恍如面誨
臨風把讀結想盈襟願門墻下菲劣如某者曷克荷
此殊遇也詢知道體清勝宦跡昌隆喬轉巴南聲聞
逾赫蓋我師以正學負竒才用文章飭吏治以故愛
民體國遊刃有餘乃平生之真作用其尸而祝之者
寧蓬萊遂邑之間口碑載道哉行當拭目以觀出入
承明大沛霖雨門下士與有榮施矣某齒髮衰朽碌
碌無竒不能勉效寸長以報知己慚憤何復言蜀中
山水多竒若王右軍慕而不得至杜少陵至矣卽其

飄泊西南天地間豈若吾師箱章佩綬行道濟時河
清可俟哉暇日著述應富山水足以佐思當與夔州
諸作競爽耳先生清俸有幾乃永遠惠拜嘉之際榮
婦生歡謹謝外松雪破硯池上足備臨池之用書如
命附訖瞻依神越

復余親家

乙卯冬遭逢按劍旅途風雪茫茫於門下未得立談
道舊豈復促膝嘻噓藉溫顏一慰嗒乎別來兩更衰
萬鱗羽全稀此心無日不在左右弟髮短志短卧病

經年老母行年八十有二爲人子者安忍遠遊且骨
肉之間朞功相禪素冠未卸而舍弟又告變矣愁懷
惡抱寧復可以語人乎今春足病稍平三月間赴陳
上元之招金陵山川如舊昔年交友大半凋零雖一
二在仕版者又以逢察杜門不肖踽踽秦淮興味蕭
然小价忽報長公寓承恩寺弟亟走謁未面反承惠
顧把臂片時曾不能一問建業酒乎如何如何長公
歸吳陵曾道及否耶夏欲過泰州奉候阻於水涸秋
間再計南園而小庄稽事伊邇家貧親老子讀僕單

政爾躊躇迺適頒翰惠臨風把讀且感且慚焉蘿松
栢纏綿固結者當如是耶小兒顛蒙如昨弟因門祚
衰微妄意希得寸進方與成婚一腔心事筆石難攄
伏惟鑒諒敝邑早蝗百物凋耗卽海市亦不能登矣
無可爲獻薄具云云

上王觀察以詩賜教

仰藉盛德聞我師已逼賊巢彼有金城將遇梯衝而
碎矣旦暮凱還鏡吹之奏豈非軍中盛事哉卽由是
典雅宮商異日廟獻之樂寧復踰此鳴蟲賦委委深

致具鮑謝餘風五七言近體雄渾絕倫此又大方家
之長技也某迂腐無知幸不鄙棄而賜之教臨階展
讀感慨殊踪至天風吹曙角山月掛營門又真如寤
寐杜少陵而相爲抵掌也者敬服敬服調高和稀拙
守自啜儻得盡窺玄秘竭歷邛郫堪爲門墻他年高
足固所願耳

與劉忠孚登第

某無似世棄君平門下求舊于山野而以警欵及之
甚盛德也曩者侍側封翁觀門下溫文如玉謙虛若

海固已預卜爲名世仙品何論雕龍繡虎哉今茲尺
書翩翩雲霄萬里凡在瞻拭靡不心折矧藉通家之
末乎喜可知也柄國者虛啓事之廬以待何不亟轄
出山乘此清時展布以慰世之望不肖趨賀已後
猥承貺命先施顧水雪新裁于夏蟲何有乃以詩聯
見屬謗陋無能爲役第知己之報庸敢自委于無鹽
封翁高時金山未能率爾具書訊候統惟炤亮

報陳上元父母姻府吳屏

敝邑思戀慈父鏤刻未能去心而某向慕恩師不啻

饑渴幸金陵孔適瞻矚不遐緬維君侯卓犖之政奚
難一蹴而歷三台其必藉資京尹者如威鳳振翮一
舉回翔然後奮志雲霄之上他時柄用福我蒼生竚
以俟之矣惠腆錯陳義不敢却顧委命如丘山以太
公與太夫人行誼炳若日星倘欲布狀都人士文章
淵藪何慮不勝而乃下求謏劣如不肖者夫誠有嗜
痂之癖耳第恐珠玉在前瓦礫在后閉門覓句思致
淹遲無以稱明命先肅尺函草草佈謝

再報東明府止冠父母

四月維夏載德東還時事戒嚴不得面別濱行於邑
瞻望徒勞比出燕磯江風大作一葉蕩馳驚濤飛危
不自持矣黷然消魂者寧獨戀別而已哉藉庇僅免
夜止東溝緬思不肖駑馬無用散木不才過蒙老師
念舊之故飽以芻豢飾以雕文而罹茲殃咎卒獲無
恙歸見老母皆明臺恩炤之所賜也不幸舍弟無祿
門祚凋微加以雲漢爲災五月不雨俯仰無資日不
暇給祠碑重寄是以遲遲然敢終負明德哉荒言諒
不久闕主臣

寄老母

別來將及一載無時無念不在左右男兒生年五十
親事之日幾何乃自致飄零山川萬里去來不得自
由真不能釋然于中也在家時菽水之奉曾不異于
常人亦終歲游蕩耳但離膝下不遠思之卽至飲食
起居未必似今日隔湖不知消耗也不孝之罪焉能
自道聞家鄉豐稔甚慰客懷老母想有歡顏諸弟畧
舒寤態矣爰下老婦人與伶仃稚女料可不愁衣食
凡事宜耐時且過也庭前花木雖無多着意澆灌以

待主人園中不可荒蕪不肖自到衙卽患足疾痰厥
風痺四肢若干勛之重麻木隱痛轉側飲食皆待人
而爲非學憲弟之延醫購藥幾無還家之想彼中正
月已如我土三四月間氣候桃李開遍山中梅花尤
多不肖所居之軒千山掩映萬樹如雪聊可一望以
寄遐思有寄姨弟趙叔曾詩結語欲寄相思無處所
梅花開遍貴陽城蓋實錄也播州密邇省城楊酋猖
獗此時大兵已與一督二撫四監軍六總戎聚游偏
裨之將不知其數調五十萬師征之尚惴惴如恐不

勝今日報東坡之入明日報龍泉之犯烽烟滿眼羽
檄驚心道路積尸高于丘山矣幸彼酋猶有挾撫之
意而水西宣慰兵強將勇可當南突之鋒不肖男唯
行望鄉愁歎而已酒已不能飲不知歸來將何處尋
舊量以對故人傾倒耳此書倩李侍御寄上京而轉
致之家中者道路不通勅使俱不得往來間道奔朝
一物不可寄天南地北離亂傷心不知此書果得到
否真是家書抵萬金也

附論策

將能而君不御者勝

三軍以一人勝也惟制勝在一人故其權不御而其能始可以自見於天下夫天下之事有慎於將而神於兵者耶兩敵相持其圖謀之秘間不容髮而情形之詭變不勝窮倘以無能而處此則事債能矣而復從中制之則亦債蓋陰謀不可以豫設而臨敵方可出竒當其時奚以多耳聽奚以多指視多耳則泄多指則亂亂且泄適爲敵資亦安能制勝於未戰而決勝於已戰乎故用兵者匪能不勝匪將自御其能

亦不勝善將者惟端拱于文櫓玉碣之上抱蜀不言而擇一非嘗之人用之不可曰寡人則善將將之道也旨哉孫子之言也夫將之能也豈其勇冠三軍而後謂之能豈其韜嫻八陣而後謂之能豈其志堅馬革力盡龍城而後謂之能方其兩相持而互求勝吾見其分合變幻如環無端鬼神不能測其機風雲不能狀其變無窮如天地不竭如江河瞬息呼吸懸於意外生死成敗決于桴端斯時也倘從中覆之則已晚從旁撓之卽已墮無問戰也已然則能不於將屬

六處下文
頁題有說人今

而誰屬哉夫將而不能則膠柱可以鼓瑟刻舟可以
求劍讀父書而以登壇取之可字未詳之結者伐步齊止可以夜戰而
火攻也能而君又御之是越俎而代之庖中流而奪
之楫縛孟賁之手而繫騏驥之足欲其舉千鈞而馳
千里也必不能矣蓋能也者將所自出者也君可以
知將之能而不可以御將之能也故自推轂授鉞之
日已舉三軍屬之將曰從此上至天下至淵將軍制
之將亦曰國不可從外治軍不可從內制願軍中不
聞天子之詔惟聽將軍之令若曰聞外之逢敵也軍

得畫本詳是
軒虛之道

門遠于萬里也百聞不如一見也掣肘之難為書而
二三之難為政也故時可以銜枚疾趨或御之以持
重觀變時可以直探虎穴或御之以避堅擊瑕時可
以破釜沉舟或御之以堅壁清野時可以橫交而衝
御之以反却而誘時可以滅竈示怯而御之以增壘
示強揮灑於談笑取辦於咄嗟而必濡遲于請奏觀
望于後時則何以環轉於千仞之上電掣于九天之
內而將之能廢國之事去矣故曰無天于上無地于
下無敵于前無君於后乃可以畢智殫力而自為能

一時居位本便
顧利張...
但共請...
利...
批...
批...
批...

時元...
非...
批...

也太宗與李靖論兵法曰任將必使之便宜從事是
聽將之自為能也顧頡利請盟已報命矣李靖用唐
儉之督兵疾破之此非君命有所不受乎是太宗
之不御將而李靖之自出其能也此勝法也漢王已
遣酈生下齊矣韓信不顧而擊之梁王以介弟而破
圍周亞夫堅守便宜不即奉詔呂蒙被書徵還在途
矣乃用鄧元之之間遂降郝隆請討西河而曰聽臣
自任卒復涼州之數子者皆能將也操縱軒豁功用
卓詭不稟於廟謨不牽於群議是以能百戰百勝而

彼二三英君亦何嘗規規御之哉又其甚者如穰苴
之能斬莊賈陳湯之能矯制命李光弼之能殺崔衆
狄武襄之能威靖沔皆能不拘文法立行軍令而其
時之君亦不御之有如後世議論之繁將權之薄三
尺在前惠文在後彼數將者且以專恣取罪戾矣何
暇表其能哉雖然將之權貴一也而將之心尤莫尚
於虛老有之曰勿以三軍為衆而輕敵勿以受命為
重而必死勿以身貴而賤人勿以獨見而違衆蓋能
可自見尤忌自用自用者敗用人者勝昔齊君之

韓也令軍中口有以軍事諫者死武安圍急軍侯請
救立斬之可謂能矣及秦軍悉至而許歷之諫又亟
從之此惟計之當而能不操成心也淮陰侯之破趙
也購廣武千金及得而東嚮師事之卒用其策燕取
齊若振稿二子者皆以能齊于古者而不自用其能
又將之善于自御者也故以管仲之賢也隰朋之智
也至其所不能不難于師老馬與蟻而况于人乎夫
君不可以御將矣而不可以擇將乎太公曰存亡之
道命在于將此言求之豫知之審而後可予之權善

乎選將之篇曰稽之五材以定其品詳之十過以厚
其防而又試之八徵以盡其變不御之權必托之不
二心之臣不以先容故重不以謗書故輕不以未審
而誤任不以旣任而輒更是又君之能也御之本也
王者不勤兵於遠

夫兵家固有難以喻度之勢尤有不出吾料之謀固
貴奮一時剪滅之功尤貴建百年無事之策彼勢之
所在近易而遠難鞭長不及馬腹也謀之所在多筭
勝而少筭不勝兵莫慘于志而莫邪爲下也是故善

兵者計出於萬全謀深于九地有一隅非近而八遐
非遠者大抵以近視遠何遠不摧由是駕滄海而渡
流沙軼濮鉛而犁朔漠際天子之四履爲吾所創無
弗如意豈非神武折衝之妙略也哉猥云式于近而
不式于遠也今之譚兵者率惡言遠矣守祭公之成
說以爲王者不勤兵於遠不侈言舞羽則借飾閉關
以爲得其地則石田得其人則

而兵家又以爲去國越境爲絕地者
何也豈非扼於勢之難哉茲其故可知也飛芻烏道

轉粟鯨波則運餉之勢難支川途綿邈敵情叵測則
間諜之勢難精懸師深入歲月相持則進退之勢難
據首尾衝決聲問不通我之秦兵不出彼之齊交方
合則揀援之勢難及客主旣懸而衝突可慮彼有不
涸之儲我無必死之士則懼怯之勢難結持此說以
動搖夫孰能易之嗟乎藩籬不固則門庭之患生而
藩籬且折而入於敵日蹙國百里伊誰之咎也疥癬
不治則肘腋之患生而腹心受病雖有扁盧將望色
而逃其何及之有是故險遠非兵家之所得諱也興

師遠地亦非國家之所得已也夫王者豈樂是窮兵黷武而勤民於遠哉古有度我之可以制遠而勝者陳湯也康居遠在西域郅支憑之子公奮不顧身深入其地不煩漢卒而屠三重城斬名王首刷十年之耻于一旦抑何壯也有度遠之不我虞而勝者司馬懿也玄菟越在遼水公孫淵據之仲達計取襄平以百日攻以百日返以六十日休刻日而下抑何明也有以迅發而勝遠者馮奉世也莎車附南道不通奉世昌言勢成難制以節發諸國之兵急

攻之莎車之頭竿之蠻邸非子明有雷霆不測之威胡以名振西筑也有以遲重而勝遠者趙充國也先零劫羌寇塞騷動鮮陽充國上書必赦罕开坐守數十年屯田之計而緩策之然後振旅還京非翁孫有山嶽莫移之識胡以振安西鄙也有勝遠以衆者裴行檢也守約率三十萬衆星馳而北突厥跳之而去功亦難成矣乃甲士伏於糧車以誘致之遂縋溫傳於陘口而嗣業之憤已除是以全力捕鼠矣有勝以少者李靖也百藥提勁卒三千度嶺而西頡利

佈駟而覆之如孤巢耳乃旌幟立乎定襄以虛喝之
遂潰可汗于陰山而渭水之辱已報是以尺箠驅羊
矣之數子者咸蹈天下之至遠履天下之至危大戰
則大勝小戰則小勝名播乎遐荒功成于殊俗其故
何與蓋嘗論之遠戰有所難必也選卒輕費因糧于
敵野栖露積靡匪外更軍儲不易供乎蓄銳養成伺
彼懈怠敵無不守我無不攻間隙不易乘乎入境旣
深勢難返顧有進而死無退而生意氣不易鼓乎開
示禍福啗以璧馬離其厚黨絳我深交士心不易聯

乎披...以心奪其險要撓我不應突我不聞蹙而圍
之變將內作情形不易屈乎蓋兵無全利亦無全害
有遠而反易有近而反難誠不可以一端盡不可以
一途拘也使執衆而持久者勝則損五萬師糜億萬
費經四年力而僅獲駭馬三十疋者此貳師將軍之
往局也執少而迅疾者勝則提步卒五千深蹂戎馬
之地張空拳冒白刃不能報漢於浚稽之山此李少
卿之故轍也執我可以制人而人不虞我者勝則以
申...小向無敵而卒阻兵鳴淥之間竟不得